

香消何處珮環歸夜月。
嫁後光陰忽經六載驚。一旦蘭摧
薰折忍聞襖襟泣慈雲。
幾度哭同胞。祇留嬌妹藉慰慈親。
生小具仙根。絕妙才思吟柳絮。
兩句侵病豎。遽撇雛兒並遺弱女。
去來成讖語。餞春時節落梅花。
此去太怱怱。翁姑既老兒女方雛。
五夜憶浮生。回首泉臺應有恨。
我來良惓惓。芝朮親調梅檀代爇。
一朝成永訣。傷心雷岸不歸魂。

●未嫁妹

十年待字不出璇閨。誦天桃詩未
達目的。
一旦遊仙竟歸瑤島。讀香茗集空
說才情。

阿兄到此復何言。難忘辛苦持家。
相依長嫂。
吾父生前最憐汝。倘其追隨泉路。
休詆孤兒。

●堂妹

賢齊數首誼等同胞。何期花信年
華遽遭摧折。
問卜無靈延醫莫效。况值清明時
節倍覺淒涼。

●繼妹

親誼託連枝。深幸意合情投。歷溯
蘭言猶在耳。
佳耦成雙璧。正羨月圓花好。何堪
蓬島遽歸真。

●夫

欲殉難拋黃口子。

偷生勉事白頭翁。
五父而今原暫殯。
百年以後願同歸。
鸞飛鏡裏悲孤影。
鳳立釵頭嘆隻身。
夫君懷歸樓上冀迎蕭史鳳。
妻真薄命塚前願作舍人翁。
親老家貧負擔忍付稱孤子。
行修名立誄詞悲作未亡人。
無祿才郎長夜不醒蝴蝶夢。
傷心愚婦深宵悲聽子規啼。
君去矣。萬事獨任艱難。能無追念
前徽。深爲吾痛。
兒勗哉。爾父既歸泉壤。尙其各自
努力。克振家聲。
撒手復何悲。數十年貧病交加。縱

我留君生亦苦。

捐軀原不惜。八千里翁姑待殯。因

君累我死猶難。

裹屍馬革。本男兒得意收場。惟憐

室有雙親。瞑目尚餘難了事。

啼血鵲聲。痛夫子招魂不返。更苦

孤無六尺。傷心猶剩未亡人。

●未婚夫

誰教君早歲求名。奇遭天妒。修鳳

樓而未畢。隨鶴駕而即歸。回思去

後韶華。真如夢幻。從今日懷人。脯

下三鍾酒。兩鍾酒。直欲招月下魂。

問个甘心。天乎。吾輩甚無辜。竟若

此文字埋君。聽幽谷猿啼。雨打梨

花同灑淚。

可嘆我芳年待字。酷受娘憐。桃欲

咏乎宜家。梅尚遲乎迨吉。詎料暗

中消息。頻種愁根。到昨宵叩首靈

前。千種情。萬種情。縱不見阿郎面。

總算結髮。娘呀。女兒是何命。似這

番姻緣。誤我看畫梁舞燕。風飄柳

絮。更堪悲。

●妻

寶瑟無聲。絃柱絕。

瑤臺有月。鏡奩空。

親老兒雛。烏哺。心情期更切。

天寒夜永。牛衣勸勉。有誰憐。

締造艱難。沒世敢忘賢德。曜

蹉跎遲暮。傷心竟作老安仁。

緣盡先離。漫說來生還有約。

事多未了。敢亡已死。便無知。

負我多情。空抱鴛鴦。偕老願。

祝卿再世。重尋鸚鵡。未完盟。

炊臼夢成。粉悴脂憔。時序改。

斷絃情切。鸞孤鳳隻。誓盟寒。

已到暮年。名曰悼亡。實偕老。

不妨多病。君今先去。我還留。

鏡匣塵封。難堪姑老夫存日。

房幃夜冷。怕聽兒啼。女哭時。

一百年彈指。光陰天胡。此斬。

九十載齊眉。夫婦我獨。何堪。

本八字按排。以致累卿。貧到老。

作一番打算。自然先我。死為佳。

是去是歸。塗撒手。竟能先解脫。

無生無死法。回頭切莫。再相思。

尚忍言哉。但看舉室。長號。汝何可

死。

而令已矣。只為一肩。重任。我且偷

生。

嘆我此生。僅餘薄命。糟糠猶歸天。上。

囑卿來世。不遇封侯夫婿。莫到人

間。

紅絲幸締良緣。恨未及齊眉。孟光

早逝。

丹藥難醫痼疾。悼遽呼啓手。邳鑒

云亡。

結褵曾無幾時。鴻案相莊。偏爲孟

光傷短命。

破鏡飛從何處。鸞絃遽斷。怎教蒙

叟放長歌。

顧茲繞膝兒孫。獨費苦心。老病纏

綿先我去。

錯過齊眉歲月。不堪回首。少年放

蕩負卿多。

自問尚有愛情。又誰知圓月易虧。

好花不壽。

年來本多恨事。更何堪青衫淚濕。

紅粉香消。

已矣。我難忘。把酒話生前。詎料夫

妻分枕席。

傷哉。卿不返。鼓盆歌死後。那堪兒

女泣皇天。

天意杳難知。偏教衆口稱賢。舉按

挽車同有羨。

人生大不幸。最是中年喪偶。鼓盆

炊臼又何堪。

子猶待教。僕未成名。并曰賴操持。

汝豈便堪卸責。

天竟無情。卿真不幸。鏡釵驚折斷。

我其何以慰懷。

最憐兒女無知。猶自枕伴嬌啼。問

阿母重歸何日。

但願蒼穹有眼。補此人間缺憾。許

良緣再結來生。

勞勞三十載。君獨賢。百事乖。百事

哀。清夜只餘呼負負。

茫茫九萬里。吾何適。一身病。一身

老。仰天誰與和鳴鳴。

一索苦難求。歎幾年短命夫妻。情

太纏綿。卿竟忍而去也。

千呼曾不應。有具慶高堂父母。境

真拂逆。吾將何以慰之。

既不是新婚垂老無家。如何重利

輕離。萬古傷心無此別。

且莫問過去未來現在。但願魂凝

魄聚九原有幸慶同歸。
 鴻案著賢聲。平時典米量鹽。內助
 惟勤。彈指光陰驚白首。
 龍鍾揮老淚。此日鼓盆炊臼。達觀
 空效。傷心生死隔黃泉。
 說身後事便覺悲酸。苦將好語慰
 沈疴。累卿牢記心頭。仙去不知成
 隔世。
 顧乳中兒益增切怛。惟有吞聲空
 掩淚。諒我強安眠食。神傷未合對
 高堂。
 如此艱辛。知卿必死。所恨者。夫妻
 十六載。眉皺未舒。頓教夜榻風淒。
 夢裏時驚兒覓母。
 幾經飄泊。於我何堪。今已矣。雲水
 數千程。歸期難卜。從此秋砧月冷。

天涯應嘆客無衣。
 濟艱辛。嘗險阻。貧家婦。信難為。痛
 今朝鏡破釵分。欲圖夢影重圓。除
 異世再同青玉案。
 習荆布。厭綺羅。半生儉。應可法。奈
 塵海颯馳電掣。贏得褶痕如舊。到
 秋宵怕檢縷金箱。
 和以接物。儉以持躬。二十載內顧
 無憂。南北倦奔馳。方期客地優游。
 偕隱且營陶令宅。
 女未宜家。男未授室。四五旬良醫
 徧謁。膏肓難挽救。深痛半途分拆。
 悼亡忍讀謝公篇。
 從憂患來。從冷煖來。從生死來。從
 詩歌醞釀來。十五載風倡雅隨。都
 不記君是紅顏。我為白首。

無小家氣。無脂粉氣。無寒儉氣。無
 柴米夫妻氣。千餘里關河鼙鼓。悔
 未遂花間課子。柳外歸耕。
 十一年交謫無聞。雖對泣牛衣。仍
 是團圓况味。悵今日窮愁更迫。賸
 七齡弱女。五歲癡兒。百感茫茫。我
 未成名卿已逝。
 廿六載塵緣太速。念相莊鴻案。誰
 分奉養勤勞。歎平生職任未完。有
 白髮翁姑。青燈嫠母。兩情惻惻。存
 猶抱憾。歿何安。
 ●未婚妻
 迨吉有期。一夢遊仙偏解脫。
 浮生如寄。百年偕老亦須臾。
 無一日緣。偏教綵縷傳名。空向風
 前獨惆悵。

成三生恨。太息紅絲多事。料知月下亦歛歛。

爾何人。我何人。無端六禮相成。惹

出這番煩惱。

生不見。死不見。倘若三生有幸。願

圖來世因緣。

夙締是良緣。此番譜訂鴛鴦。天不

永年何太促。

俄聞傳噩耗。異世侶諧鸞鳳。事求

如意總無憑。

悼亡猶未賦于歸。痛貧家婚禮愆

期。已過上殤三歲。

同穴不妨權變古。縱異日俸錢營

奠。可能下慰重泉。

●繼妻

新人曾似舊人。半世夫妻。忽見鸞

膠重續斷。

一誤居然兩誤。滿堂兒女。何堪鴻

案再生塵。

千里遠諧鸞鳳。撐支門戶。勝似丈

夫。那堪薪米縈懷。空費卿百轉柔

腸。難帶些須泉下去。

十年兩拆鴛鴦。問訊夜臺。應呼姊

妹。倘使藤蘿憶舊。當念我獨居苦

况。相邀同入夢中來。

●妾

香冷玉爐。寒夜更無紅袖伴。

春深金谷。落花空吊綠珠魂。

風信落華鬢。照眼榴花剛五月。

香魂招楚些。多情桃葉倘重來。

香夢渺難尋。卻見得曇花一現。

舊歡無可拾。更何處桃葉重來。

如卿之冰雪聰明。壽考原知無分。

歎我亦泡幻身世。別離應不多時。

為亞婦得阿姑歡。正當萱室含飴

日。

以兒女貽夫子累。淒絕樞垣退食

時。

天太無情。剛盼到草長鶯飛。使教

春去。

人原不死。試招向梅邊鶴外。定有

魂來。

認取舊歡來。記曾從桃葉渡頭。迎

將好好。

頓驚香夢冷。安得向曇花影裏。喚

出卿卿。

嫡庶孰善處。難得此屬車筵助。無

閒人言。執箕帚十年。中饋于喁家

以睦。兒女類多情。萬不料側室衾寒。未終婦職。遺襁褓一子。過門呱泣。我何堪。

子

痛子情深。尚有爾母。藐躬德薄。累及吾兒。知汝太聰明。原非壽相。使余多煩惱。常念佳兒。質和性淑。將起吾族。奪之胡速。德薄咎叢。乃災汝躬。悔也安窮。有子莫如庸。具有清才。即遭天忌。衰年逢此厄。顧茲寡媳。何以生為。生平無大罪孽。乃竟不祿。此我故也。幼年具善知識。或當有後。想汝祐之。

痛汝命竟夭。譽滿親朋。始信虛名能折福。傷余年已老。默參因果。好歸定數。祇由天。

學成藝成名。成事業垂成。天不假年。胡太酷。父在母在。弟在。妻子俱在。我今哭汝。可曾知。爾兄弟五人。縱爾骨瘦神寒。也應同為親送老。我年華七秩。願我齒頰髮禿。何堪先替汝燒香。拂逝事偏多。喪明亦屬徒然。空有詩書來鯉對。年齡天不永。撒手遽歸何處。不堪老淚灑龍鍾。

誰人無溺愛心。縱然無仲謀才。舐犢私情難自已。世上多拂意事。况復兼阿戎慧。騎鯨仙去更何堪。

媳

才長命短。已堪傷。這騙人雞肋。算着甚麼。徒憐他嘔多少心血。惹多少塵埃。瞥眼轉成空。冤甚冤甚。文富家貧。無別計。吐垂死蠶絲。去尋生路。不知者非以為自強。即以爲任性。苦衷向誰說。悲夫悲夫。人無間言。是賢媳婦。汝當食報。有好子孫。婦道克全。綦履衿纓。猶在目。人寰遽棄。蒿歌薤諫。不堪聽。去歲來歸。洗手已諳姑食性。

今朝去速。傷心永別。塔鄉塵。

占鳳出清門。棗栗克虔修婦職。

育麟辜夙望。桑榆未遂抱孫心。

自從賢媳來家。定省庭幃代修子

職。

詎料病魔著體。彌留牀席。猶望夫

還。

羹調澆供。僅歷四年。衆論有同孚。

佳婦無慚嘉汝孝。

冬至陽生又弱。一个重泉如得侍。

慈姑相見道翁衰。

●子媳並輓

是我佳婦佳兒。石火光中彈指過。

願汝他生他世。蓮花界裏並頭開。

世上可憐蟲。歷盡病劫愁魔。竟爲

同命鳥。

心頭無限恨。任是投懷入夢。已成
過隙駒。

●女

桃實賦宜其。方冀花開多結子。

葛覃歌澣否。那知葉落竟歸根。

十載賦于歸。深喜乘龍諧伉儷。

一病苦不起。遽嗟控鶴作神仙。

詩句賦桃夭。遺嫁及時荆布尋常

差足慰。

醫方窮藥餌。悼亡忍聽釵鈿零落

不勝愁。

吾婿無生悲。念地下相隨代奉舅

姑終婦職。

汝生何太促。痛天涯遠隔。不聞父

母哭兒聲。

三載奉姑嫜。可憐爾孝養未終。此

別竟成千古恨。

九原逢阿母。爲道我精神頓減。不

知能混幾年來。

由來當作掌珠看。縱非賦茗清才。

差喜乘龍諧伉儷。

到此難禁心緒劣。聞道拈花微笑。

儻教控鶴作神仙。

十四年來事舅姑。相夫子。尙少違

言。方將賴汝飾終。豈料未終先送

汝。

千行淚下。寄一語。到九原。聊爲勸

告。莫恨外生是女。幸虧有女不虛

生。

●未嫁女

生性最聰明。撫病榻詩書。猶增惋

悼。

沈疴失調攝痛貧家兒女半死飢寒

我亦居士浮休詠燭懷慚到此不堪回首

汝有雅人深致曇花現影從今倍覺傷心

忒聰明非壽徵詠絮名馳揚斷香

閨呼不櫛一刹那成陳迹憑棺心痛掌空夜

月失明珠

少者歿長者存數誠難測天之涯地之角情不可終

豈天道有茫昧而不可知者以吾兄之盛德而天其嗣乎

有恨問天廿六載春秋何促

姪

此

無文祭姪十二郎今古同悲

宗慤乘風平生許破萬里浪

昌黎具奠此日空悲十二郎

其信耶其夢耶祭十二郎文同茲

浩歎

有私乎無私乎念第五倫事愧予

生平

老淚無多哭弟甫經年哀誄又悲

郎十二

諸孤太藐成名如有日前程已阻

身三千

覆翼十年來孤露矜憐每念靈椿

餘感泣

傷心晷月病寒霜肅殺忽驚大樹

早凋

有志未能伸憶去年斗室談心幸

作平原十日飲

浮生真若寄痛此際扁舟載骨盼

穿小阮一帆來

乘長風破萬里浪宗慤當少年時

嘗謂此兒應得志

效謹勅戒輕薄行馬援征交趾日

不忘猶子特遺書

姪婦

三千里蒙難而來最堪傷母族凋

零夫家飄泊

七十日彌留不起問誰視膝前乳

哺堂上羹湯

猶子比兒亦嘗稱娶婦能賢雍睦

一家添樂事

浮生若夢更何堪沈疴不起悲傷

五內動愁思

◎姪女

快婿獲乘龍。我正為阿兄稱慶。
遊仙驚跨鶴。誰復料王母來招。
快事得南宮。願慰乘龍。方幸于歸
隨婿去。
芳蹤返西土。魂隨駕鶴。定知此別
作仙遊。
幼失恃。長失怙。蠶辛茶苦。半世備
嘗。喜汝婦職能勤。井臼親操。勉撥
却灰延舊澤。
夫在外。子在抱。破壁寒燈。一朝盞
逝。值我兄喪未葬。哀傷迭遘。慘揮
老淚對西風。

◎未嫁姪女

愛汝如掌中。每來膝下請安儼
同已出。

珠

視余猶堂上父。回憶案頭問字。倍
覺神傷。
猶子比兒。從來錦字成文。燁掌居
然呼不櫛。
浮生若夢。此後玉臺斷詠。招魂何
處拾明珠。
擇婿豈真苛。依然猶子比兒。待字
十年偏未嫁。
游仙竟不返。總是浮生若夢。憑棺
一慟易勝悲。

◎同族尊長

公不少延。痛吾族之衰。余懷渺渺。
世方多事。哭斯人而亡。天意茫茫。
遺範猶存。箕裘弓冶。好詒謀。欣看
後起。
盛德所及。鄉黨鄰里。皆感泣。何況

同宗。

門戶歎衰微。重任誰肩。十年觸起
孤兒痛。
詩書懼荒落。訓言在耳。一脈誰承
從父恩。
見吾宗三世惟公。年來杖履蕭然。
獨許鄭同為小友。
溯舊族幾家無恙。江左風流盡矣。
不留陳碩作靈光。
譜系竟難成。痛七年間父輩頻凋。
論我因循。自問安逃人子罪。
流風幸未沫。考百世下祖宗遺典。
得公稱述。所言盡在伯兄書。

親戚應用

◎男戚通用

兩家聯瓜葛。情時向床前探病狀。

一旦唱蒿薤曲。魂歸天上渺仙蹤。
松柏祝長春。訓誨是資。深幸薦羅
有託。

斗山欽重望。典型無恙。堪嗟矩矱
誰承。

溯老成燕翼貽謀。堂構繼承。大可
享晚年清福。

幸小子薦羅託庇。寢門晉謁。猶得
聞先正格言。

石林壽種。瀕國精神。早歲縱艱虞。
富貴竟從勤苦得。

誼託葭莩。蔭叨松柏。霎時聞噩耗。
老成雖謝典型存。

於親情是前輩。於道德是長者。高
誼薄雲天。常謂善人應食報。

論精神為饗饌。論福壽為考終。滿

庭森蘭玉。定無遺憾此歸真。

●女戚通用

胸有紺珠。賢推巾幗。

駕回翠輦。悲到絲蘿。

明月冷瑤池。佛座拈花。修到神仙

原是福。

中天沈寶婺。慈幃捲竹。誼關蘿葛

亦銜悲。

推己食解己衣。情重周親。分蔭當

時叨不盡。

享大年。膺大福。德崇賢母。拈花此

日笑如歸。

通情話於兩家。祖德亦應思。常喜

樽輝叨美蔭。

聯懿親者三世。遺容空在望。不堪

薤露起哀音。

話親情葭末相關。兩家平日往來。

每以傳聞知壺範。

寫哀誄薤歌競起。四德同聲稱許。

應無遺憾到泉臺。

為諸親長為大父行。碩德享修齡。

小子何能贊一語。

以文章鳴。以布衣隱。承先即啓後。

嗣音還更蔚羣英。

●祖姑母

恩如猶子。禮數內賓。每憶黃門三

葉誼。

滄海明珠。崑山美玉。傷心杜老萬

年銘。

與大父同胞。珍餌頻頒。幼弟童男

均感悅。

見曾祖有道。大年克享。一堂四代

共揄揚。

語在室祖父行。語在戚祖母行。尊也而親。方期海屋添籌。共把詩篇。抒壽帳。服袒免情不許。服小功義不許。禮原有殺。惟是總麻盡制。敬將蒿里寫哀詞。

◎姑丈

誼自先姑。從茲連類相推。齒德兼尊。陰茂喬松。託蘿薦。恩同猶子。詎料沈疴不起。音容頓杳。聲淒鄰笛。黯門楣。往事尚流傳。自吾祖以愛女相攸。丈席先登。共信延明承郭。遺言會付託。令鄙人爲亡姑作誌。尺碑猶在。生慚子厚。報陳長。

公何憾乎。生平肆志倘祥。有先疇。

有舊業。有祖功。宗德獨嗟。參朮無靈。侵二豎膏肓。數月病魔。惟一室姑。其寡矣。半世躬操。井臼能茹。苦能含辛。能相夫教子。怎那芙蓉開老。灑雙行血淚。所天痛別。永千秋。

◎姑母

誼篤先姑。光耀門楣。叨慈蔭。恩深猶子。詩賡蘿薦。寄哀思。問我諸姑。平時懿戚。關懷深喜。慈雲高有。茁視予猶子。此日病魔成祟。頓教夜月冷無輝。念我姑勤苦持家。何期罷賦鵲歌。慘聽庭前哭老母。痛吾輩後先失恃。此日逍遙鶴馭。

可從泉下晤慈親。

孺人於我最垂憐。想前時話別關。階孰意匆匆歸抱病。王母催姑何太促。歎此日里停柩。社那堪寂寂賦招魂。卅年訓誨猶話孩提。比來尊長無多。惟姑也相依。鍾愛恍如萱在室。一水往還。漸驚衰邁。老去窮愁莫慰。慟仙乎長逝。言歸空說葦能杭。乘幽閒貞靜。光我門楣。五十年中。嘗不盡蓼辛荼苦。奈人謀終阻。天道難知。結果總虛花。傷心空煉媧皇石。歷險阻艱難。還茲造化。三千界上。或稍酬竹節松心。惟血族相關。私情莫遣。束芻來執拂。救淚愁看整。

女星。

●堂姑

羨郎君數符荀氏弟昆。暉擬三春。一室翕和隆孝養。憶叔祖祇有吾姑姊妹。別經三載。九原邂逅定悲傷。

●姑壻

萱室幸粗安。何意東牀終絕跡。艾年驚幻夢。遽歸西域太傷心。得此甥兒莫嗤書。誤弄鑿定卜克昌厥後。傷哉吾姊。詎料琴彈別鵠。致教驟喪所天。哭姊有餘哀。此度歸山。忍又誅君題素旄。喜甥尚好學。他年得路。冀能奮志。

步青雲。

塔前痛此藐諸孤。後事方殷。何竟低眉成佛果。地下相逢先伯姊。離懷話罷。那堪回首望慈闈。

●妹壻

休矣先生。豈其小謫紅塵。此後仍為香案吏。傷哉吾妹。忍聽悲歌黃鵠。從今永作未亡人。厚望屬南宮。一樣乘龍。方為寒門誇得壻。悲歌傳萬里。千秋化鶴。忍聽之子哭無夫。頻年觴詠相邀。合志同方。應與茗賦雪詩。共成一集。

●甥

今日琴書無恙。人亡物在。聽到蒿歌薤露。永別千秋。二十年姻眷篤深情。知壽世方多。當不致一枕遊仙。遽醒大夢。五百里音書傳噩耗。痛擎天柱折。何忍聽兩家慈母。共放悲聲。

天道何知。不許阿嬰留李賀。神仙安在。翻教老淚哭羊曇。展我甥兮。期望魏舒成宅相。念汝母否。忍聞李賀嘔心肝。李長吉召赴修文。憤欲向天搔首問。何無忌酷似其舅。老而不死撫躬慚。才學富英年。鼓篋殫勤。拭目魏舒。

深有望。

人天留遺恨。修文赴召。嘔心李賀

竟無年。

哭汝甫經旬。又悲宅相凋零。馬氏

稱良遭折翼。

問天何厄閔。忍使英年淪喪。牛心

罷炙倍傷懷。

甥女

嬌女左家多。每從堂北歸來。歷指

甥行。蕙質蘭心惟汝最。

良人滄海去。未竟亞東遊覽。忽驚

鄉夢。鸞離鵠別為卿愁。

詩識訝秦嘉。果然別鵠聲中。悲珠

簾捲雨。鏡閣流塵。從此塔鄉成夢

境。

彌留告阿姊。道是驂鸞天上。念十

月嬰兒。五旬老母。料應回首一傷神。

甥塔

當年偕我姊相攸。共快乘龍有屬。

此日看鰥甥孰倚。那堪別鵠興悲。

塔

雲氣切呵。詩題桐葉庭除綠。

天台永別。淚染桃花洞口紅。

快塔羨乘龍。傅粉方欣光晉殿。

仙人長跨鳳。吹簫終不返秦樓。

逝矣修文郎。回首能忘垂老母。

傷哉薄命女。斷腸永作未亡人。

竟去矣。可憐爾弱子。寡妻黃昏曉

哭。

也罷了。幸有汝伯兄長嫂。內外維

持。

棄爾子並棄爾妻。此際殊多不了事。

哭吾塔即哭吾女。從今永作未亡

人。

塔未多才。非利非名。千里徒拋孤

客夢。

女稍知禮。或生或死。兩般都刺老

夫心。

奉倩最傷神。欲圖破鏡重圓。又遣

館甥來射雀。

彥先不復作。從此撫琴一痛。劇憐

嬌女賦離鸞。

鏘鳳卜其昌。方謂之子于歸。伉儷

百年忻得所。

騎鯨渺何處。誰料此兒不起。淒涼

五夜聽哀音。

汝少孤。汝子又少孤。衰服還加身。
 墮地嬌聲才十月。吾痛甚。吾女更痛甚。何年重見面。
 對爺無語恨終天。忽忽幾晨昏。離別間之。疾病間之。
 不及終年同靜好。熒熒小兒女。孱羸若此。嬌憨若此。
 更煩二老費精神。宦途早歷。題名黃鶴樓頭。數載帶
 閒雲。辜負出山霖雨。甥館相逢。話舊白蘋洲上。華年傷
 逝水。淒涼歸櫂烟波。憂時似賈。達生如莊。大地間獨往
 獨來。仕宦山林等寄耳。既慰親家。又憐弱女。廿餘年多愁
 多病。臨歧執手倍潸然。

魂兮安歸。上有重闈。下有二子。事
 事稱心。何處更尋極樂地。死者已矣。去日苦短。來日苦長。熒
 熒在疚。難堪最是未亡人。開篋見汝書。入室見汝物。撫棺見
 汝容。逝矣修文郎。竟以強年歸地。下。省視爾不知。痛哭爾不聞。大呼爾
 不應。哀哉薄命女。回看弱息尙懷中。勸數句噩耗傳來。北瞻燕闕。南望
 湘流。老夫雙淚已枯。滄海也教成智井。料此去蓬山不遠。郎比吹簫女同
 弄玉。或者仙緣同證。人間何用唱刀環。

姪塔 厚望屬南宮。一樣乘龍。方為阿兄
 誇得塔。遺容瞻北面。千秋化鶴。忍聽之子
 哭無夫。藻華擷秀。足冠羣英。蕊榜觀成名。
 幾度擔簦趨北闕。羅薦聯姻。已逾十稔。玉樓驚赴召。
 不堪揮淚笑南容。 ●孫塔 塔鄉早列孫行。伴我話書窗。猶記
 清言霏玉屑。寶樹竟埋塵土。為君檢詩篋。空將
 老淚溼雲箋。甘分飴餌。吾愛女孫。得所樂于歸。
 屈指乘龍曾未久。

看到藥方。醫求名手。沈疴竟不起。
傷心寡鵠。怎何堪。

◎外孫

玉立挺英姿。正期楊惲多才。史筆
龍門堪繼軌。

春殘逢厄運。竟使顏回不祿。上清
鶴詔召修文。

◎外祖

厚誼附飴含。從前雅嗜棗梨。辱賜
寵言蒙眷愛。

深恩承嶽戴。此後儻聞絲竹。緬懷
往事益欷歔。

宅相媿無成。差幸問訊禮修。兄挈
偕來常躡履。

外家念自出。怎奈瞻依蔭失。孫行
忝附哭騎箕。

自幼失雙親。二十年撫養成。人愧
侍重闈。稱宅相。

而今傷永訣。數百里遨遊。作客。徒
從逆旅想慈容。

◎外祖母

忽頽天姥峯。悲深歐母。
忝附門孫列。望負羊公。

萱幄喜長春。視外孫如孫。慈恩未
報。

蓮臺成正果。隨老母哭母。痛淚難
乾。

屬纊恨遲來。宅相懷慚。空憶音容
符祖德。

撫棺悲遽逝。孫行忝附。還將色笑
慰娘思。

母黨最為尊。每拜重闈。瞻仰慈雲

思祖德。
遺容空在望。那禁一慟。寒芒寶婺
渺仙輶。

姻好附孫枝。每從阿母歸寧。得倚
兼葭欣有託。

才名慚宅相。倘與先人晤面。為言
堂構幸能承。

想外翁亦越古稀。每聽阿母長號。
轉使老人多流涕。

念吾父應從地下。倘問諸兒近狀。
為言宅相恐無成。

初生失恃劇堪憐。惟外家王母是
依孺子沐恩同鞠育。

耄壽考終亦何憾。倘泉路慈親相
見。太君傳語報平安。

◎舅父

晉重耳車馬長辭。神傷渭水。
謝安石室廬依舊。淚灑州門。
有淚灑州門。千古白眉增太息。
無才成宅相。廿年青眼益酸辛。
怪公早盡十年才。筆底龍蛇不許
人間多得。
痛我難消千古恨。渭陽車馬。除非
夢裏相逢。
天邊忽隕少微。從今小草何依。忍
過州門哭舅氏。
地下若逢先父。但說靈萱無恙。莫
提坎壇到孤兒。
是吾母兄弟行。謂不才像舅。期許
尤深。到此殊慚宅相譽。
為外家宗族望。何一夕登仙。淒涼
永別。那堪再誦渭陽詩。

甥舅最關情。憶去年亂避桃源。杖
履追隨。幸傍星輝祝南極。
尊親多謝世。嗟小子甫摧護蔭山
邱。慟哭。又教雪淚灑西州。

●舅母

莫說起黃涪江。空沾丐幾番時雨。
纔哭了謝安石。又難留一朵慈雲。
愧小子謀食異鄉。莫補外甥躡履
禮。
歎賢母歸真瑤島。忍看舅氏悼亡
詩。
愧我生宅相無才。懿德未酬徒抱
痛。
嘆此日孀星忽隱。慈顏莫覲向誰
親。
荻畫夙同遵。愧朽樗櫟菲材。未符宅

相。
孀星悲忽隕。幸桂蘭競秀。丕振家
聲。
望斷渭陽雲。霜萎雲萱。遺愛至今
歌衆母。
懷慚宅相譽。風噓小草。寸心猶未
報春暉。
懿訓昔難忘。霜萎靈萱。自顧庸愚
慚宅相。
慈容今頓杳。風噓小草。未曾報答
到春暉。
髻年失恃劇堪憐。太夫人休戚相
關。髮鬢同心盟渭水。
髦壽考終復何憾。予小子涓埃莫
報。淒涼揮淚洒州門。
前二十年厥疾易為治。近十二年

厥疾弗可瘳。五福修到考終。續命
慚稱醫國手。

昔母舅兮其逝固莫追。今舅母兮
其逝亦莫贖。後悔惟有痛哭報德
空存相宅心。

●姨丈

馮子琮忝屬葭莩。停雲常憶親故
舊。

袁肇修素承知賞。永訣難忘姨丈
人。

少日有何知。惟怙恃相依。當年敏
謁高門。早識邢譚通雅誼。

親情原最厚。痛音容頓杳。今日來
憑靈櫬。不堪蘿蔦失喬陰。

●姨母

母黨仰慈雲。親戚往來。情話邢譚

雅誼。

沈疴聞累日。膏肓攻達。術窮和緩
良醫。

小劫避桃源。繡餘語教雙聲。猶記
兒時承色笑。

歸程來李舍。驚絕病侵二豎。從今
母黨感凋零。

恩誼略同甥舅。與吾母姊妹成行。
頓失慈容勞想像。

往來無閒邢譚。惟小子童蒙寡學。
緬懷懿訓寄悲哀。

妾有美妻道先焉。終能有子析薪。
真足快心賢孝事。

姨之亡。母族盡矣。記得為兒挑菜。
不堪回首亂離年。

●太岳丈

北斗翹瞻。願效陳詩歌祖德。

東牀幸選。忍倍捧硯泣孫行。
姻好附孫枝。當午空懷千尺影。

仰瞻同祖竹。未秋先隕一庭霜。
薄質媿乘龍。興到吟詩亦歌祖德。

仙蹤驚化鶴。恩深傳硯忝列孫行。
射雀憶重門。有恨塵市年年少親
太老。

落梅逢五月。試看江城處處。徧哭
令公。

諄于贅壻。得侍重闈。絳縣昔扶鳩。
每附孫曾瞻壽宇。

新豐老人同登大蓋。白雲今控鶴。
從嗟戚黨失靈光。

●太岳母

甥館揭來時。入侍重闈。藉聞祖德。

慈幃歸去後。流芳千古共仰女宗。
 獲選昔乘龍。甥館叨陪曾向重闈
 承色笑。遊仙今駕鶴。孫枝忝附。應留一勸
 誌哀思。甥館列孫枝。名門幸坦。
 慈闈摧祖竹。仙馭遽歸。東牀喜得
 幃幃託重蔭。西土空教。涕淚灑千行。
 敬姜垂暮尚雄心。八旬餘內政分
 勞。記從夫子無違兼。以布荆傳膝
 下。曾母望兒頻齧指。霎時間終天飲
 恨。又况嬌孫遠嫁。未能風燭護牀
 前。太君乃陸地神仙。聚庭闈繞膝卅

餘人更欣萊子承歡。大好髦年娛
 晚景。下走忝兩家姻戚。算吳楚違顏三
 千里。只惜嬌孫遠嫁。未隨賤息送
 靈輶。

◎太伯叔岳

小子荷青垂。幸託葭莩。壻水旁通
 叨雅訓。衰年歸碧落。緬懷渠範。幽宮佇看
 勒遺碑。

◎太伯叔岳母

大年計花甲。纔周扶杖優游。桂子
 蘭孫娛暮景。戚誼附壻行之末。登堂叩奠。鍾儀
 郝法繫遐思。

◎岳父

浮白自慚蘇子美。垂青空憶杜祁公。
 公不少留。風木傷心分半子。
 吾將安仰。音容回首隔重泉。
 雀射雲屏。正喜朱陳方締好。
 鶴歸蓬島。陡隨安羨去游仙。
 半子情深。叨預鯉庭詩禮訓。
 遊仙迹杳。忍教鶴駕海天秋。
 坦腹愧無才。惠及壻鄉叨庇蔭。
 傷心靡有已。天教泰岳驟傾頽。
 甥館溯留蹤。我自愧居半子列。
 仙鄉驚返駕。天何遽隕丈人峯。
 騎鶴竟何之。負海內重名。玉潔冰
 清懷樂廣。乘龍還是昨。問渭陽未誦。欵噓感
 咽泣楊情。

東閣慣延賓。公如高適爲詩。垂老
聯吟常不輟。西園今乏主。我比羊曇哭舅。生存
零落總堪傷。生時已託足西天。知成佛何難。早
證前身羅漢果。歿世定棲神東岱。悵顏雲太速。空
教引領丈人峯。鴛盟舊締。雀選新聯。小子荷垂青。
正待光風資披拂。天上蟾圓。人間蛻化。前身宜太白。
好將明月證因緣。爲門下壻。得荷薰陶。回思把酒論
文。曾許鯁生參末座。失掌中珠。重傷懷抱。此去圍鑪話
舊。好攜嬌女訴離悰。

公原父執。年來重以婚姻。一老慙
遺難。豈爲恩私方有淚。身忝館甥。恨不假之歲月。諸郎門
業盛。欲分薪火已無緣。

●岳母

才愧裴寬。愛重慈帷呼射雀。
悅捐苗母。波寒泰水泣乘龍。
獲選昔乘龍。猶憶床東初坦腹。
遊仙今駕鶴。那堪堂北杳慈顏。
謬譽愧乘龍。青眼關垂甥館多情
懷泰水。
仙遊驚跨鶴。白雲縹渺。慈容何處
悵重泉。
惠澤潤東床。拜母升堂。蒙寵交稱
王逸少。
悲風旋北陸。寢苦枕塊。節哀翻慰

郭宗林。

半年嫁女到蓬門。母命諄諄。勞燕
遺雛恩未報。一片慈雲離岱岳。予懷渺渺。春蠶
化蛹恨難留。
貳室夙趨陪。憶曩時雪夜丸熊。曾
附諸昆聆訓迪。重闈猶健在。看此日雲天駕鶴。頓
傷半子失依歸。
山頽甫慟。水逝重悲。况內兄客邸
遙羈。尙滯星奔回梓里。
愛日方長。慈雲遽斷。念賤子壻鄉
忝列。何堪雪淚對萱堂。
柔嘉闡德。是謂恭人。甥館憶承歡。
方期上豔遐躋。長託靈護分福蔭。
悱惻慈懷。難拋弱女。仙寰悲返馭。

忍見終天永感。何從寸草報春暉。
享大年七旬餘。子孫多賢。放眼看
塵海滄桑。劫後河山仍世閱。
違慈顏八閱月。光陰如駛。雪涕過
舊時亭館。夜深燈火動悲風。

伯岳

小草附喬松。每誦白圭資訓勉。

高峯傾列岳。我瞻素旆倍悽愴。

泰岱一峯高。齒德兼尊喜聽吹堦

諸伯氏。

喬松千尺萎。薦羅失施還將肯構

勗諸賢。

高仰丈人峯。幾聽伯氏吹堦。貳室

頻來尊齒德。

頓摧喬木蔭。太息高賢易簣。寒門

託芘失絲蘿。

遺憾泰山頽。幸聯珠集裏。雅負才
名方欣雁列齊行。竊比元方友愛。
經年滄海別。驚閃電光中。飛傳噩
耗。惟冀熊留吉夢。稍紓伯道憂傷。

伯岳母

壻水附支流。回首竹林十載常分

慈蔭庇。

姥峯傾峻柱。傷心萱草一朝頓被

肅霜摧。

上奉慈姑。率諸婦並事其姑。中饋

著賢勞。合德翁稱三黨地。

生無嬌女。視猶子不殊己女。後堂

承訓誨。齊家敬聽二南詩。

叔岳

魯殿圯靈光。此去應從黃石隱。

華峯摧列岳。不堪再誦白圭詩。

小草託喬陰。貳室館甥。綠竹一林

幾陪侍。

高峯瞻列岳。哲人梁木。白圭三復

就提撕。

滄海憶歸人。刮目論姻。正似昌黎

知李漢。

江關驚歲晚。傷心望祭。差同子美

念祁公。

溯頻年甥館常依。岳蔭已先傾。猶

幸深恩承叔舅。

痛一旦仙闈遽返。眷懷殊未了。豈

徒嘉禮滯賢郎。

叔岳母

憶平時晉謁萱容。恩與泰波並重。

嘆此日忽辭塵世。忍令姪情增悲。

歡承梓舍。秀擢桐枝。垂老忽捐塵。

此去泉臺無憾事。
壻水旁通女蘿。幸託。摳衣聊布奠。
載瞻懿範有餘悲。

●內兄弟

氣誼洽醇醪。忍使衰年悲北海。
恩勤銘積悃。不勝兒輩慟西州。
婦爲予言。惟君手足多情。於今已
矣。子竟仙逝。有母門閭倚望。此痛何
如。從壻鄉幾度聯歡。異姓深情同手
足。無靈櫬不堪灑淚。空齋遺物感琴
書。雅誼託絲羅。平時甥館言歡。異姓
何嘗非手足。

故人思風雨。此後壻鄉寄迹。高懷
誰與共壺觴。

與室人遠客京師。驚電來自吳中。

忽訝吞聲哭幼弟。

憶外舅愛憐少子。此日從游泉下。

何堪回首望諸兄。

君當強仕英年。向平夙願。計然雄

心。忍使諸兒悲失怙。

我對殘冬暮景。蜀茗猶留。雪花誰

咏。愁聽內子哭同胞。

多病最憐君。六旬未享遐齡。幸義

方足。媿燕山後起。定看華閩振。

薄遊偏悵我。百里遙傳噩耗。倘仙

境相逢。鮑妹寄言好待藁礎歸。

●內兄弟之妻

偕老約成空。元子傷心搜蠹篋。

悼亡詩撫實。沙哥回首引油幢。

油碧引仙幢。崔嫂歸真料得沙哥

含淚夥。

壺儀輝彤管。賢媛列傳。尙煩白傅

賦詞哀。

壻鄉親戚結朱陳。稔知內助賢名。

蘋藻流芳揚淑德。

異姓弟。曷聯手足。深願達觀時變。

薤蒿按曲抑悲懷。

●內姊妹

聽岳母悲聲。女貞木壞。

聆細君私語。姊妹花殘。

戚誼重邢譚。閨閣繆繆。猶記長陪

賢姊話。

多情泣夫壻。衣裳檢點。那堪慘賦

悼亡詩。

僚婿

江天如墨。小別千秋。並世於今亡。管鮑。

鄉國需才。又弱一個。傷心豈獨是。

邢譚。

兩婿相並之謂姪。平時貳室追隨。

公說親情諸秦晉。

二姓好合其惟姻。此後高門過從。

空言戚誼到邢譚。

三生有幸託連衿。憶當年謬譽乘。

龍。差比李膺附黃憲。

兩婿相聯為僚亞。怎此日仙遊駕。

鶴偏教公治哭南容。

內姪

芳蘭春萎。玉樹秋凋。人孰無情誰。

遣此。

計接中元。情關內阮。我慚哀逝不。

能文。

行輩忝居尊。從荆妻方面言來。異。

姓亦堪猶子號。

平生勤勵志。痛李賀心肝嘔出。英。

年殊惜此兒凋。

內姪婦

玉蘂隕瓊枝。造物無情。如此莊姝。

偏不佑。

鰥居愁內阮。悼亡空賦。多方慰藉。

更何堪。

表伯叔

霽月仰清襟。中表多情。常叨蔭庇。

秋風傳噩耗。遺容安仰。空溯典型。

三世話通家。由來誼篤。先姑中表。

親情亦密切。亦尊重。

百齡斬長壽。最是人崇。高望老成。

儀典足留貽。足懷思。

表伯母

通兩家為中表親。懿德流芳。賢淑。

應標彤史。

垂千秋有內則行。母儀壽世。音容。

頓隔黃泉。

近依孟氏芳隣。他年里號孝終。定。

有鄉人謀罷社。

每念崔家故誼。此日門開通德。已。

無壽母許登堂。

表姑母

事夫如大義之共姜。課兒如無逸。

之敬姜。卜地得眠牛。百世瀧岡堪。

並壽。

賢母乃祖姑之女子。哲嗣乃先君之寄子。命宮同磨蝎。兩家屺岵各銜悲。

●表舅父

一樣渭陽情。噩耗傳來。未免淒然。

悲母氏。

剛逾強仕歲。沈疴忽染。何期遽爾謝塵緣。

●表舅母

瑣窗話舊。鈿閣聯蹤。暇日常為慈母伴。

課女璇圖。弄兒銀鹿。仙遊殊痛表始心。

●表兄弟

中表念親情。楊柳春風懷逸致。

浮生悲怛化。梨花寒食動愁思。

中表已無多。遠企清標七秩風流。

方杖國。

賢郎曾共學。蜚聲文苑千秋著述。

有傳人。

至親無閒往來。情誼相孚。異姓何嘗非手足。

往事不堪回溯。交遊與共。他時誰與數晨昏。

中表結深情。回思學校觀摩。共對吟燈聽夜雨。

人天悲永訣。太息仙鄉縹渺。徒教別淚灑淒風。

彈缺陋馮媛。登樓悲王粲。頻年作客。同病相憐。曾幾時舊雨重逢歡。

然道故。指雲連笠澤。水接苕溪。孤棹便往還。居近方期常聚首。

悼亡賦潘岳。下第慨劉蕡。否運如君。至斯已極。萬不料秋風一起。遽爾長眠。嘆堂有金萱。庭虛玉樹。親情篤中表。夜深猶復望歸魂。

●表姊妹

中表最關情。稔知慧業生成。不數雪詩茗賦。

噩音方到耳。聞說病魔作祟。那堪薤曲蒿歌。

誼屬表親。嘗聞柳絮低吟。早著才華。推道韞。

儀嫺內則。忽聽薤歌哀響。空留誠語。說班超。

夜雨怯春寒。遙憐錦瑟淒迷。母黨

枝摧環珮早。華年消黛影。最慘金閨穉弱。惟空啼索棗梨頻。臆昔渭陽鍾愛。恨吾姊不是男兒。女史快流芬。我先考在天有靈。自當引慰。看今寶桂齊芳。羨賢母方饒晚福。仙班遽證果。羣公子孝思罔極。能勿哀號。

●姑表兄弟

論父黨親中勤儉起家。公真健者。在新社會上工商勸業。賜也賢乎。中表兩家親情話交通。問我諸姑喚予季。仙遊千古別。音塵闕寂。在家有母况高年。

早歲著英聲。忽焉閨厄黃楊。一病難施和緩術。中秋逢令節。竟使魂招白下。九原莫慰我姑心。

●姑表兄弟之妻

有此佳婦。問我諸姑。排日作羹猶似昨。內則無愆。賢聲夙著。疾風吹竇。竟成災。

●舅表兄弟

厚誼等蘇程。晨夕言歡。忍看修文先入地。高才希軾轍。蓬瀛赴召。那禁搔首欲呼天。阿舅纔願了子平。遽抱恨千秋。任古來鍊石媧皇。怎能補得此閒缺。

陷。痛汝甫書修博議。奈變生十日。願天下有情眷屬。切莫成就這般姻緣。

●舅表兄弟之妻

盧李話親情。操譜離鸞。雨黯風愁。驚噩耗。願王留閨範。悲深化鶴。落花流水咽哀音。

●姨表兄弟

術工陶范。心妙權衡。衣鉢傳家能致富。誼結邢譚。情猶昆季。棠梨滿樹。為招魂。●姨表兄弟之妻 姑性本深諳。委曲承歡。戚黨同聲。

稱德曜。郎腰應瘦損。淒涼感逝。仙寰何處問飛瓊。

◎表兄弟之子

此子太聰明。舉世難容。慟矣不徒顏路哭。斯人偏天扎。呼天莫及。傷哉休怪卜商悲。

◎太親家

伯姊為予言。想阿翁辛苦備嘗。不應卅七年華。赤壁纔遊先羽化。諸孤有誰怙。看今日子平未了。豈特兩重姻婭。青山對峙。倍心傷。世人誰若此。老秉公月旦。信無私。正欣鳩杖頻扶。忍令高山壞梁木。賢郎有女許兒為婿。星期猶未卜。

直待鸞笙疊奏。好教宜室詠桃夭。

◎太親母

大母本多情。主祭久勞。諄囑新人言可憶。

弱姊真薄命。承顏無幾。未諳姑性淚先傾。

九秩逾六齡。頻年歸妹承歡。夙仰恩姑垂內則。

一堂羅四代。此後家人想像。應從仙侶證前因。

太君高壽八旬餘。曩時井臼親操。夙仰母儀能啓後。

弱妹先歸十載外。此日泉臺侍奉。應循婦道似生前。

親家

同譜訂朱陳。方幸向平願了。

齊名有軼轍。何期蘇老仙遊。福備箕疇。瑞藹椿庭。子穀孫枝。方未艾。

驚聞噩耗。情緣葭末。風號鶴唳。却傷神。

斷金失望。倚玉成空。舊恨新愁。催我老。

垂白全歸。飛黃繼起。耳聞目見。似公稀。

兩家先子最相知。况在吾兒。又以密親呼列岳。

五十明經猶不祿。劇憐諸季。更無將伯助他山。

與君為忘形交。定須斗酒隻雞。他日重尋喬尉墓。

笑兒亦坦腹相。未及登堂奠雁。此

時先造德公門。

是翁矍鑠諸子飛騰。方期魯殿長

存。大好春暉娛晚景。

重與婚姻。邈焉契闊。獨怪蘇臺小

住。溥游十日竟千秋。

兒女締良緣。與君滬北分襟。待譜

雙聲絕調。竟成廣陵散。

仙凡悲永訣。悵我天南橐筆。未親

一奠。哀思長咽粵江湖。

論年齒相伯仲。論婚媾是姻親。憶

平時情話依依。把酒論文成密友。

以道義式鄉閭。以文執導後進。看

異日英才濟濟。謝蘭寶桂有佳兒。

自下走交君廿載。志同方居同鄉。

商同業。賤息締良緣。待館先邀青
眼顧。

事阿兄長我十年。既多福。復多子。
又多孫。考終垂令範。承家後起白
眉長。

●親母

數十年戚誼如新。兒女情親。自昔

早完姻嫁願。

三萬日歡場未竟。人天路隔。從今

長抱別離悲。

艾年鴻案慶齊眉。夫子無違。夙仰

璇閨昭儉德。

賤息雀屏纒中目。館甥有待。頓驚

泰水逝恩波。

弱女感姑恩。自憐多病多愁。孝養

未能循內則。

大家垂母範。會看爾昌爾熾。考終
豈止協洪疇。

有弱女感姑恩。為言辛苦持家。十
載傷心搔白髮。
鼎諸孤成父志。會見聯翩競爽。一
門接踵到青雲。

●兄之岳父

鄰笛太淒涼。更尋長者何方。靈光

殿傾悲梓里。

壁琴空寂寞。忍聽阿兄哀語。丈人

峯倒失喬陰。

●弟之岳父

一病竟難醫。昧矣我公儒林傳中

誰比跡。

千秋成永訣。嗟乎予季。丈人峯上

合招魂。

姻伯叔

霄漢歎星沈。惟公齒德俱尊。杖履

追隨承至教。
年華傷水逝。令我鳶蘿失施。松喬
傾圮失濃陰。

●姻伯叔母

懿範忽空詹。戚鄰同悲遙對白雲。
悵懷萱草。
仙駟渺何處。儀型足式不堪青鳥。
催赴蓬池。

●姻兄弟

與先君同學。情義猶存。揮淚湖前。
因萬古難填人子恨。
自嫂氏于歸。過從益密。論文慚後。
進廿年愧受弟兄呼。

●姻兄弟之妻

降汭嗣徽音。誼託姻親曾耳熟。
拔釵傳韻事。情關伉儷自神傷。

●譜兄弟

誼託苔岑。金蘭契合。
悲深蒿里。玉樹長埋。

誼結金蘭。羨君學問精深。蔚為國
器。

歌傳薤露。痛我朋儕落寞。淒絕人
琴。

異姓升壘。隄蘭譜盟心。兄事我欽
晏平仲。

哀歌聞蒿薤。蓉城作主。仙逝人懷
石曼卿。

道同術志同方。契洽芝蘭。異姓何
嘗非手足。

哭無知思無益。奠陳蕉荔。誄詞原
不算文章。

同譜最相親。憶白髮青燈。昨歲尙

陪連夜話。

名山期共往。歎太行盤谷。此生無

復並驂遊。

棣華賦孔懷。詩異姓弟。每喜吹

壘來合韻。

蘭臭訂同心。譜頻年友善。不堪易

簣聽遺言。

元龍負湖海之名。蘭譜舊盟。廿載

論交交更淡。

駕鶴自緱山而上。靈牀大哭。一年

少我我何堪。

十載訂金蘭。誼為同類。情若同胞。

僅教幾日。睽違竟爾。無言長別手。

一朝摧玉樹。堂上有親。閨中有婦。

說到萬緣未了。弔君那事不傷心。

●譜兄弟之父

與令嗣為異姓弟昆。攻玉斷金。深
聯情誼。

惟先生是當今山斗。光風霽月。共
仰襟懷。

玉樹振賢聲。與令嗣聯手足情。椿
蔭高深同託庇。

金蘭通雅契。聞噩音感膏盲疾。椒
漿奠饗有餘哀。

惟先生秉江漢英靈。遠播芳聲。共
羨鳳毛輝老鳳。

與哲嗣篤壘篋交誼。驚聞噩耗。慘
憑魚腹信皋魚。

●譜兄弟之母

譜誼屬通家。喜侍萊堂撰鳩杖。
仙班隨王母。哀傳蓬島返鸞輶。
蔭託萱慈稔閨中。歐荻孟機具欽

懿範。

誼通蘭譜。仰堂上鍾型郝法。痛失
母儀。

與令嗣為異姓弟昆。平日過從。萱
室能賢侔截髮。

惟我母是當今歐仇。同人悲悼。椒
漿致奠痛憑棺。

●義父

愛若所生。恩同父母。
喪還從俗。禮達經權。

親上加親。比椿托蔭。
孝乎惟孝。式穀空廡。

情好篤兩家。稊蓂追隨。嚮子恩勤
叨並渥。

劬勞原一致。蓼莪廢輟。喪親哭踊
痛應同。

小草附蘭塔。當年問字鯉庭。趨步

常隨聞詩禮。耆英歸蓬島。客地追懷鶴貌。依稀

猶夢見羹牆。

●義母

蘭砌昔相依。頻叨恩切。噓寒心同
保赤。

萱花今倏萎。奚翅悲銜。失怙目斷
垂青。

早歲痛莪蒿。感頻年蘭砌相依。心
同保赤。

比鄰悲薤露。恨此日萱堂倏萎。目
斷垂青。

登堂拜母。隨諸郎慶祝古稀。杯酒
又今年。詎滿城風雨。淒其甫越重
陽。失慈蔭。

望舍思親。有令子乞歸終養。輜車
遲半日。奈三晉雲山迢遞。未教寸
草駐春暉。

●乳母

一飯尚銘恩。况保抱提攜。祇少懷
胎十月。

千金難報德。論人情物理。也應泣
血三年。

雖無泣血三年。憑雙親付託殷勤。
飲食兼施承愛久。

祇少懷胎十月。想一樣提攜保抱。
音容頓杳報恩難。

師友應用

●太老師

耆舊嘆凋零。九老會中先白傅。
淵源溯師授。二程門下泣楊時。

家學溯淵源。數典敢忘其祖。

老成忽凋謝。傷心莫慰我師。

嗣響在儒宗。幾受陶鎔。差幸昔曾

列絳帳。

師資即家法。再傳衣鉢。自慚今亦

擁臯比。

三世互傳經。衣鉢相沿。我是門牆

小桃李。

九旬考終命。斗山在望。公真兜率

老神仙。

時方百派橫流。鄭室楊亭。傷心合

議先生諡。

我亦再傳弟子。秦篝齊縷。作賦同

招楚客魂。

兩世被春風。差幸松柏後彫。獨坐

蕭齋自怡性。

一朝悲盛露。了卻崦嵫晚景。再傳

弟子劇愴神。

戚里重高年。方欣喜溢含飴。策杖

正堪娛暮景。

師門霑化雨。忍聽訃傳失怙。吹葭

未許轉春陽。

壽翁真陸地神仙。胡骨換梅花。寸

心莫副長庚祝。

哲嗣是春風化育。痛庭摧椿樹。一

束聊陳孺子芻。

耕讀守清芬。憶昔年桃李追隨。問

字轉承先哲訓。

箕裘繇世澤。聽此日粉榆愛戴。傳

家合啓後昆賢。

●太師母

母真五福完人。象服魚軒。千樹桂

蘭榮梓里。

我是再傳弟子。山頽木壞。一天風

雪哭師門。

入室坐春風。那知鶴髮婆娑。隔幔

先聞賢母訓。

登堂泣孤露。話到熊丸咀嚙。及門

難解我師憂。

南國著采蘋。憶從絳帳傳經。隔幔

飫聞賢母訓。

北堂看舞綵。詎料白雲返駕。遺羹

莫慰後人心。

德曜著賢聲。羨髦年合盥重諧。老

福誰如太師母。

宣文垂懿範。憶疇昔隔紗聽講。舊

恩最感小門生。

桓君四德洋溢人間。請看正首

弦司隸清芬皆壺範。

鄒子七篇哀刪母教。記否青齊返

駕。充虞他日問先生。

業師

當年幸立程門雪。

此日空懷馬帳風。

感恩空灑門牆淚。

撫卷猶留翰墨香。

真儒事業今無匹。

大匠裁成我最庸。

築室本能如子貢。

心喪聊以學檀弓。

大道為公。徒存手澤。

因材而教。頓失心傳。

侍坐先生。齒長一日。

服勤至死。心喪三年。

學者仰之。萬古泰山北斗。

吾道窮矣。一例嘆鳳傷麟。

立雪庭前。翹首問誰程正叔。

騎箕天上。傷心頓失魯靈光。

大雅竟云亡。空賦兼葭溯秋水。

斯文其果喪。長教桃李哭春風。

問字感當年。重謁玄亭空灑淚。

傳經珍此地。載瞻絳帳暗摧心。

函丈見猶龍。小草生時沾澤渥。

仙衣嗟化蝶。秋花叢裏盼魂歸。

馬帳絕薪傳。滋愧涓埃猶未報。

程門痛心喪。抑瞻山木可勝悲。

垂百世。令名為後學。常留遺範。

得兩間。正氣惟吾師。不愧完人。

教育盡英才。濟衆兼能開廣廈。

相知慙國士。報德惟堪哭寢門。

當年絳帳追隨。常荷春風披拂。
此日總幃憑吊。那禁淚雨滂沱。
大鳥講堂來。易簣心安。愧未坐隅。
親執燭。神龍鼎湖去。抱弓身殉。定歸奎宿。
主修文。負笈情深。念當年雪立程門。常沾
化雨。騎箕運厄。痛此日風淒馬帳。空仰
高山。杖履失追隨。道望在人。不禁歎秦
山梁木。門牆親侍列。典型式我。最難忘時
雨春風。名世豈虛生。咸羨經濟文章。久得
一方教澤。

昊天胡不弔。回憶丹鉛几席。難忘
數載親承。有爵一齒。一併德而三。事業文章。
萬流同仰。是經師人師。當時無兩。提撕訓誨。
沒齒難忘。不才渥荷滋培。高誼一天雲。化雨
春風偏厚我。此病竟成絲。憊舊遊三尺雪。耳提
面命更何人。未學嘆荒蕪。憶曩時絳帳春風。十
載蹉跎成底事。文星驚隕落。看爾日青衫淚雨。一
堂悼痛集同人。省身溥東魯。真傳憶履薄。臨深易
簣猶然呼弟子。

講道衍南豐。正脈痛山頽。木壞瓣
香長。此祝先生。求經師易。求人師難。後進賴裁成。
豈僅文章驚海內。孰啓我聾。孰振我瞶。趨庭承授受。
願分詩禮惠諸生。夕陽無沒好。公何遽迫桑榆。請益
重來。怎忍看寒林秋草。朽木不可雕。我是未開桃李。相嚮
而哭。最難忘時雨春風。
●師母
曾侍傳經章母帳。不堪憑軾鄭公門。
門下昔相依。風坐雨霑。感阿母同
聲頌德。座前今致奠。白炊盆鼓。願先生破

例達觀。

化雨幸同霑。懿訓常承。一門遺澤

青紗帳。

慈雲今失庇。遺型足式。千古流芳

彤管書。

鴻案正相莊。痛半世荆釵。彤史遽

亡賢德曜。

鯉庭叨陪待。對後堂絲竹。絳幃望

斷老彭宣。

授經隨紗縵。諸郎數末座。少年曾

許黃裳堪大器。

來弔具生芻一束。幸南州孺子。得

交郭泰是儒宗。

●門生

人盡惜其才。類我類我。

天遽奪之命。喪予喪予。

不厭不倦。何有於我哉。

斯人斯疾。亡之命矣夫。

吾道非耶。胡為至於此。

斯人已矣。其何以能堪。

百里正強年。不信君歸竟先我。

兩行垂老淚。非夫人慟而為誰。

一載臥沈疴。李賀牀頭呼阿嬾。

十年問奇字。揚雄門下失侯芭。

知之者不如好之者。惟我與爾。

斯人也而有斯疾也。曰天喪予。

几席自情深。若論青藍我且視為

畏友。

門牆無恙在。徧尋桃李。疇其似此

高才。

一見即知心。况絳帳追隨。似我師

生如父子。

多才原薄命。倘紅塵再到。願君愚

魯莫聰明。

與人何尤。可憐白髮雙親。養子聰

明成不幸。

自古有死。太息青雲一瞬。如君搖

落更堪悲。

斯人也。斯疾也。草木無靈。執手來

遲慚自牖。

孰生之孰死之。楚天難問。傷心無

語慰其家。

樹長待干霄。怪他急雨狂風。幾許

聲淒偏奪愛。

樓成旋赴召。想是人間天上。一般

年少更須才。

一生性分超羣。歎玉樹瓊枝。蒼茫

竟付婆娑界。

三載吾序就傅。對冰窗雪案。恍惚猶聞誦讀聲。

往日列師門。最憐年少多才。常指

青雲期遠到。

朔風傳噩耗。頓觸老人舊感。重回

白首憶前游。

學與十年交。憶晴窗共暑。雪案同

寒。恍如春夢多時。可奈壯心今已

矣。

別余兩月許。望嶺外白雲。村邊黃

葉。幾欲廢書三歎。何堪老淚此潛

然。

●同學

絳帳同親。三載下帷真刻苦。

玉樓遽召。一朝分袂最淒涼。

同學四年慕義懷仁。不可尙已。

遺孤三尺。傷心慘目。有如是耶。

人生到此。天道寧論。死者長已矣。

風雨如晦。雞鳴弗斷。吾黨其念之。

講學溯同堂。深欽叔度風儀。足矜

儕輩。

話別垂半載。爲誦子山哀誄。太息

斯人。

文學吾不如。記往日門牆。同輩咸

視畏友。

英年君早世。撫平時琴劍。傷心遽

作古人。

世界幾滄桑。數寥落同儕。偶爾相

逢驚白髮。

人生各懷抱。歎繁華如夢。不堪回

首舊青燈。

客同地業同校。四載勤劬。方望鵬

程騰萬里。

母在堂。妻在室。一朝訣別。忍教鶴

化赴重泉。

絳帳坐春風。回思三載情深。自喜

聯吟得同調。

素幃映明月。太息一燈夜靜。忍將

搦管賦招魂。

奉檠修禮鼓。瑟歌詩。國人皆曰賢。

况與吾儕敦至誼。

客裏離愁。病中劬學。知命不幸死。

始知造物忌英才。

羨君卓卓多才。攻錯喜相資。他日

五陵應見輕肥裘馬。

忽爾匆匆歸里。修文悲遽赴。此行

千古忍言生死蜉蝣。

●同學父

名訓鯉庭傳。從知家學淵源。成就高才屬梓舍。大年鶴壽紀。詎料仙遊倉卒。歸真上界促椿齡。

●同學母

與令嗣攻錯塾中。暇日相過。截髮深叨萱室惠。悵賢母逍遙天上。遺容空仰。憑棺齊奠絮觴來。

●世交

往日荷蘭箴杖履相隨。回首前塵疑是夢。臨風書薤諫。酒漿空奠。傷心舊雨渺難尋。斗室寄如蝸。父執靡遺。孰向陳蕃呼孺子。

中原亂無象。福星先殞。始知茂老。是完人。

易簣條歸真。有子有孫。撒手不言身後事。

蓋棺今論定。立功立德。平心且看學中人。

公會飽閱滄桑。話我家三代前塵。筆陣詞壇遺韻渺。

我亦迭經哀樂。溯故里耆年嗜德。酒壚鄰笛愴懷多。

人生半百。如日正中。方欣藝苑留芬。五秩年華享清福。

氣象萬千。凌雲欲活。詎料莪詩抱痛。三冬時節促仙遊。

吾輩當何所取法。和若柳下惠。潔若介子推。儉若晏平仲。

先生可以無遺憾。白香山有壽。蘇老泉有後。杜少陵有名。

兩代締深交。卅載秉衡。十年同澤。善相勉。過相規。如父如兄。敦古誼。

七旬慳益。算子勤肯構。孫亦成行。本公心行公德。即仙即佛。證前身。

●世交父

同賢郎服務他鄉。方羨板輿能養志。

與令阮訂交往日。久疏粉社悵離情。

摩頂憶兒時。許我是馬空羣。麟獨角。

傷心哭父執。有人為郊擬諡。泰撰碑。

聚首日無多。感一片熱腸。駕鶴竟

然遣後進。知音人有幾。下兩行冷淚。攜琴何處哭先生。杖履昔追隨。蘭教頻承曠代交情如此厚。斗山安可仰。椒馨式奠。老成典則劇難忘。

●世交母

湘鄉傳歐陽。祇稱庸德。宣文教章。逞授以遺經。布算擅鴻才。競說訓兒曾。書荻同袍。叨雅誼。久思拜母。歎登堂。淑德稱女師。孝著鄭經。禮修梁案。令名相夫子。澤流三黨。絮被萬家。郭泰拜茅容。雞黍留賓。白粲感叨賢母饌。

范達交陶侃。雁行哭座。綠衣慚識少年名。達孝在善繼先人。泉壤有知。甯願荆公不出。垂歿猶塵懷大局。存亡得所。想見范母當年。

孔李是通家。頻年瞻拜慈顏。喜見板輿迎珂里。郝鍾堪媲美。他日闡揚懿德。定看椽筆表瀧阡。典釵截髻大家風。空餘官閣爐香。猶帶皖公山色好。垂幔講經女師範。淒絕影堂環佩。不堪黔叟雪天寒。得賢子如郭林宗。貞不絕俗。隱不違親。可以無憾矣。

讀漢書慕范滂母。既有令名。又有壽考。蓋所遇過之。令子皆天下奇才。時局正紛。般那堪閉戶三年。等閑了蘇軾文章。章平事業。

賢母本女中人傑。家庭宏樂育。爭道流風百世。莫漫說歐陽荻畫柳氏熊丸。

●世交妻

旋病帶紅橋。小謫神仙。千丈靈潮催返馭。鄉程紆碧浪。空歸環珮。二分明月賦招魂。以名門淑媛。為華冑賢妻。無間於言敷懿德。作等輩平稱。聯世交雅誼。知生則

吊抑悲懷。

●世姪

累世託深交。自愧菲材忝居父執。
英年傷不祿。敬將薤曲來挽幽魂。
君於吾黨。本文豪。豈知驥足未騰。
便喚醒。曇華塵夢。
我與乃翁稱好友。安得熊祥復夢。
得歡慰。患難交情。

●世姪女

珊珊仙骨。冰雪聰明。記左前問字。
頻來。關愛不殊。猶子誼。
咄咄驚心。塵凡蛻化。知元積營齋。
增感。悼亡卽繼洗兒詩。

●鄉長

爲士所宗。曰古遺直。
立地成佛。是大善人。

古稱鄉先生。可祭於社。

傳言明德後。必有達人。

天道無知。遽奪人間山斗。

瓊樓何在。忽迎下界神仙。

望重鄉閭。品與文章推巨擘。

神歸壺嶠。淚隨風雨哭先生。

壽近古來稀。志樂林泉大好壺中。

延歲月。

福真人不及。仙游蓬島劇憐梓宋。

失瞻依。

遺著在人間。鉅製宏編手澤千秋。

欽人傑。

英靈返天上。山頽木壞心香一瓣。

弔鄉賢。

馬少遊真是鄉里善人。如此郡賢。

後何可得。

陳仲弓化及梁上君子。有裨官治。

今竟云亡。

長者非三代下人。渠範偶親。頓覺

篤厚慈祥。純粹是兩間元氣。

福報近百齡大壽。宿根自遠。飽看

滄桑雲狗。歸休作上界神仙。

●朋友

高風懷鶴立。

舊雨失鷄鳴。

廿載朋歡懷舊誼。

九重泉路盡交期。

一臥滄江驚歲晚。

九重泉路盡交期。

海闊天空忽悲西去。

烏啼月落猶望南歸。

棋局翻新天何此醉。

縞袍感舊。我獨難堪。
苦憶蔡中郎。典型安在。
不見黃叔度。鄙吝復生。
總角論交。握手出肺肝。相視。
知心長往。此身惟涕淚空餘。
到處推袁。知君雅抱千秋鑒。
特來訪戴。恨我偏遲十日期。
赴我離筵。有紫蟹黃雞綠酒。
爲君營葬。到白雲紅樹青山。
惜此傷心人。寒竹荒梅尋故宅。
頻聞救時論。斷金攻玉愴生平。
湖海識人豪。樽酒初逢孔文舉。
絃歌丁厄運。郵書爭惜鄭當時。
鵬鷲正摩霄。一夕秋風摧勁翮。
龍蛇悲發讖。九天夜雨弔英魂。
管子天下才。公論他年青史在。

鮑叔知我者。故文交此日白頭稀。
殘月冷空山。辟穀已隨黃石去。
寒雲低野渡。東芻徒悵素車來。
平生良友無多。輔戎以仁。克存古道。
當世熱心有幾。天何不弔。遽喪斯人。
與君俱在少年時。把酒論文頻聚首。
一別竟成千古恨。聯床共話更何人。
交訂卅年前。款款深情勝似桃花潭水。
魂歸三月暮。綿綿春雨愁聽薤露歌聲。
樽酒昔言歡。燭剪西窗猶憶風姿。

磊落人琴今已杳。梅殘東閣。祇看月影橫斜。
志莫能償。看今朝架上琴書。徒深感慨。
善無不報。願異日塔前蘭桂。克紹箕裘。
瀟灑想襟期。最難忘公瑾醇醪。元龍豪氣。
淒涼成夢幻。空追憶桓伊笛韻。子敬琴歌。
同病最相憐。肝膽平生憶昔論交如舊識。
此才慳未用。龍蛇滿地。直爲時局哭斯人。
夜雨話巴山。落落知交。心醉屢從

公瑾飲。

秋風吹大海。茫茫天道時艱同。惜賈生才。

小別十年強。夜雨春燈。客邸逢君。

驚老大。

舊遊一個弱。晨星秋葉。天涯知己。

更凋薨。

結契已多年。休戚相同。贈約班荆。

何足數。

繼承喜有後。提攜盡力。翻雲覆雨。

敢同論。

慧業幾生修。梅瘦冰清。如此多才。

胡不壽。

故人雙淚下。楓青月落。縱教入夢。

也吞聲。

祖餞聽驪歌。情話依稀。留陳不果。

塵封榻。

孫謀貽燕翼。仙蹤縹渺。訪戴空歸。

雪滿船。

白玉需才。想天上樓成。未許塵寰。

羈李賀。

素車遲我。盼慕前草宿。空憑潭水。

弔汪倫。

隨君作十日遊。對酒當歌。畫舫連。

宵玩夜月。

與我成千古別。高山流水。枯琴三。

尺絕知音。

把酒動離情。聽夜半猿啼。千里空。

揮知己淚。

望風懷并舍。悵天空雁到。幾行斷。

絕古人書。

塵世幾知交。憶辛苦雞窗。廿載與。

君游里社。

中年多感慨。聽淒涼雁信。一人哭。

友在天涯。

可憐一代清才。苦雨淒風。竟向旗。

亭成小劫。

我是十字老友。素車白馬來從瀛。

海賦招魂。

訴不盡滿腹牢騷。君真屈子同悲。

楚天難問。

竟抱此千秋奇恨。我愧賈生一弔。

湘水無情。

未了一生緣。猶欣采菽中原。書籍。

好留他日讀。

重尋三島路。正是落花時節。酒樽。

難遣暮雲愁。

青燈黃卷十年心。回首舊游。明月。

好尋蝴蝶夢。

白髮紅顏三代淚。愴懷此別。殘魂

應化杜鵑啼。

梅花窗下弔吟魂。味茗談詩。小別

詎期成永訣。

杏雨聲中尋舊事。浮生若夢。一滴

何曾到九泉。

四十年聚散行藏。親似孔懷。休戚

相關君最切。

三百里湖山遼遠。仁歸丘首。須臾

毋死我何堪。

文字道義。患難交久。要不忘。猶憶

枕流漱石。同娛歲月。

壽富康甯。考終命福。疇胥備。更有

承家華國。大好兒孫。

芳騰縱轡。畫舫徵歌。湖海擅豪情。

爭買機絲繡公子。

棋局塵封。酒徒星散。園林愴陳迹。

忍聽鄰笛起山陽。

人生到此。天道甯論。淚眼看山河。

死後定知有餘痛。

既傷逝者。行自念也。橫流起滄海。

哭君不獨爲朋私。

論交約在廿年前。本來氣質文章。

師友相兼同一派。

植品恥居三代後。除却神仙富貴。

秀才亦自有千秋。

交好近五年。憶曩時賓主言歡。剪

燭西窗。黃卷青燈常聚首。

別離纔半載。念此日人琴俱杳。傷

春南浦。綠波碧草也銷魂。

傾蓋在垂髫。到今日我病君亡。回

思蕉葉窗邊。煮酒論文如夢境。

叩門誰促膝。料此後庭空。客散惟

有海棠樹下。落花啼鳥訴春愁。

才如太白。賦擬正平。少壯溯同游。

當年名動公卿。酒國詩壇誰與敵。

君適還山。我方渡海。死生悲永訣。

弈世芳流翰墨。寸縑尺素總堪珍。

盟心四載。離恨終年。憶初秋歸去。

匆忙回首。雲山竟任西風吹別淚。

病裏光陰。夢中顏色。惟數月音書

斷絕。分飛鴻雁。何堪暮雨攪相思。

椿萱並茂。棠棣聯輝。琴瑟喜初諧。

方偕佳婦承歡。至樂如君能有幾。

星隕人間。文修天上。英才何不壽。

從此他山失助。傷懷嗟我太無聊。

三十年肺腑情親。木胡爲而自伐。

膏胡爲而自煎。回首舊遊。別後幾
曾開笑口。二百里雲山路斷。殮不能臨其棺。
窆不能臨其穴。傷心此日。人間何
處賦招魂。

●朋友父

蘭玉雙行。每以過從。知鯉訓。
滄江一臥。又悲耆舊。傳龍門。
眷屬本神仙。一笑去陪王母駕。
兒曹皆廚及。不才同上孝廉船。
早歲喜登龍。詩禮堂高。屢與文郎
陪末座。今秋悲賦鵬。粉榆社罷。何堪壽母
泣孤幃。我見抑何遲。最難忘令子高才身。
後應無遺憾。

公歸胡太速。試數到吾鄉。先達眼
前曾有幾人。與令子誼篤。盍簪。檢知趨鯉相承。
詩禮長傳賢後起。痛吾友親視含玉。最是騎鯨不返。
典型頓失老成人。

●朋友母

鄒澤德門崇。仇母瀧岡表。慕讀歐文。
軾轍齊名。讀傳范滂。知有母。褒融競爽。投門張。未無家。
令子昔同遊。燕市塵緇慈母線。勞臣今逮養。馬陵霜縞故人冠。
令子以讀書成名。早歲文章驚海內。恨我未登堂拜母。他年碑碣誦瀧

岡。郭泰拜茅容。雞黍留賓。白粲感叨
慈母饌。范逵交陶侃。雁行哭座。綠衣慚識
少年名。少時同公子文遊。再拜瞻衣。最服
清堂能守禮。弔日話家人瑣事。百般况瘁。依然
老境去回甘。定從西母看桃花。仙佛三生。遂使
人閒歌薤露。齊向北堂瞻萱草。起居八座。還於
天上望慈雲。賢母仰風儀。仙馭鸞驂。黃竹歌聲
哀動地。郎君負時望。貽謀燕翼。白華孝養

恨終天。

拜母已無緣。那堪鶴吊陶庭。聊備生芻陳一束。

教兒惟有義。留得譽傳歐荻。永垂壺範足千秋。

三秋絕塞奉哀音。自憐絮酒生芻。道遠無方能縮地。

廿載離羣懷舊好。同是春暉寸草。年來有恨各終天。

四珍兄弟盡齊名。要知賢母嚴明。令器養成勞斷杼。

萬里海天一回首。愁望慈雲杳藹。生芻遙奠未登堂。

九五福令德考終。即今歐孟遺型。彤史久堪輝柱下。

七十年清門舊事。此後孫曾環立。

白頭無復話鐙前。

義方垂訓。意必韋宣。文黃安康。一流恨未登堂親拜母。

借隱高風。堪與梁德。曜桓少君。千古何圖。脫屣獨離塵。

拜謁屢登堂。每當酒熟茶香。款洽淹留。鷄黍具陳慈母意。

蒼范長作古。正值烏啼花落。悲涼沈痛。塊苦應斷嗣君魂。

●朋友祖父

同學契文孫。江樹鄉雲望梓里。

大名欽前輩。春風化雨說桃源。

●朋友祖父

與孝孫為文字交。以詩倡和。猶元於白。

誄大母之福祿備。厥德表襮。似陶

與歐。

論才若大家。論德若敬姜。才德兼優。上壽宜臻百歲。

有子如范滂。有孫如李密。子孫繼起。太君足以千秋。

●朋友妻

弱息繞牀疑母寢。

離魂留夢待郎歸。

鴻案人亡。千載定增彤管色。

秦樓鳳去。三春空斷玉簫聲。

夫婿壞才蚤死。乃真成憾事。嬰兒文襖。後來當更得佳人。

柳絮因風。閨內先芬堪繼武。麻衣如雪。階前後嗣總能文。

鴻案喜相莊。爭說孟光堪媲美。鸞絃驚中斷。忍教潘岳賦閒居。

死別莫如何。夫婿竟占炊白夢。
 達觀無不可。朋黨同為執紼人。
 懿行以佳話傳。輔佐老泉興軾轍。
 耆齡遂偕隱願。同符德耀抗元崔。
 未識別離情。鴻案相莊一夜琴心。
 驚變徵。
 恰當風雨候。鸞儔遽散。隔離花影。
 泣斜陽。
 荆布洗繁華。鴻案相莊。白首定諧。
 偕老願。
 珮環驚捐棄。鷓絃遽斷。黃門悲賦。
 悼亡詩。
 寫韻佐清貧。夢化彩雲。吳女一燈。
 淒似豆。
 悼亡同感賦。寒飄臘雪。潘郎兩鬢。
 欲成絲。

盟櫛事重闈。巾幗垂型。采藻采繁。
 稱內職。
 鼓盆留長恨。珮環輟響。營齋營奠。
 痛夫心。
 正花好月圓。歎梅子結時。短笛吹。
 殘樓上曲。
 聽兒啼夫泣。想珮環歸處。長廊淒。
 斷夜深魂。
 吾友因赤繩繫定。願金屋貯嬌。不。
 料竟成炊白夢。
 孺人本白首同諧。奈月宮促召。從。
 茲一別會姮嫦。
 蟾鏡掩清輝。歎當年玉宇瓊樓。難。
 覓靈丸延壽藥。
 鹿車陳大隱。如此後故奩遺掛。重。
 哦寒夜悼亡詩。

杜蘭香入世何為。縱教緣證神仙。
 碧海千秋應抱恨。
 萼綠華歸真焉往。忍使情拋伉儷。
 黃門一賦最傷神。
 塵寰小謫。孰證仙因。廿四番花訊。
 初過。頓訝瞿曇成幻影。
 伉儷深清。共欽美眷。九十日春光。
 忽老。應教潘岳賦閒居。
 了撒環夙願。紹舉按高風。賢婦生。
 有自來。淑德允宜操赤管。
 當倚枕彌留。猶寄書鄭重。夫子情。
 何能已。悼亡直欲繼黃門。
 ●朋友繼妻
 絃斷最淒涼。既悼舊復悼新。胡天。
 獨不愛吾女。
 盆歌真曠達。孰為來。孰為去。忘情。

宜早學莊生。

孺人安在忍拋却白頭二老黃口
雙雛更夫婿中年對此破鏡臺邊

淒涼照出孤鸞影

弔客胡為苦吟成南國七哀西堂

六憶將閨門雅範譜入斷絃琴裏

嗚咽彈來別鶴聲

●朋友妾

好月不長圓東閣梅花問水部

江風何太急後堂絲竹感彭宣

●居停

廿載湖深交情隆東道

六旬竟長逝淚灑西風

七年賓主多情令我于今懷雅誼

一載膏肓莫挽憐君從此赴修文

東道快稱公幾卷青燈書館曾培

佳子弟

西賓誠忝我連朝舊雨華堂忽失
主人翁

●同事

縞贈近廿年異任同居得主幸叨

袍譯誼

籌添慳七秩修德獲報如公果得

桂蘭馨

共事忝心知溯當勒馬臨崖自擇

一枝聊辟地

留彌慳面訣痛此連雞爭堞誰憐

廿載枉酬知

●鄰居

里殯悲哀輟春相

笛聲酸楚咽鄰家

花落比鄰輟春相

雍歌盈路奠生芻

一陌紙錢灰驚飛化蝶
幾聲鄰笛曲哀咽流鶯

風雪催歸看山虛掃陳蕃榻

淡泊明志卜宅曾鄰諸葛廬

齒德並推尊記當年好結芳隣勤

儉夙欽治家範

典型能率俗看此日枝榮玉樹繼

承共譽肯堂賢

■雜流應用

●書家

公為孺林丈人不獨能書雄視千

古

我抱世界觀念願以此意質之九

原

萬卷擁圖書為後進廣陶成文苑

藝林宜合傳。八分參篆籀。與俗流殊嗜好。吉金樂石足平生。

●畫家

劉伶何心死便埋我。摩詰聖手畫中有詩。餘事寄丹青。老輩風流如可接。舊遊日零落。故家文獻更誰徵。名士古無虛。餘子讓公大手筆。才人多不壽。癡心嗣響兩當年。數載締交情。淒絕風流盡今日。千秋徵畫史。巍然行誼表羣倫。餘事寫幽蘭。擘紙還留大手筆。平生愛奇石。空齋尙貯小飛來。冷月照吟魂。不圖對此良宵。忽驚仙去。

梅花留小影。最是重緡畫。無限心酸。

●醫生

董奉山居。饒有杏林資濟世。蘇仙被召。還留橘井廣療人。閱世悠哉。信有真丹延歲月。活人多矣。還留陰德與兒孫。無限感時心。眼底滄桑歸一瞬。未償醫國願。篋中方藥亦千秋。戲習華陀禽。妙手回春活人無算。神歸丁令鶴。傷心作誄弔客同來。以醫活人而不計酬。良相論功媿吾子。積德累世自然獲報。克家繩武在諸郎。國步方艱。問誰疾起膏肓。劑投藥

石。天心何酷。竟使善人不祿。哲士云亡。四世三折肱。施藥活人。良相同功。應不愧。五福一曰壽。考終好德。名醫食報。自非誣。著述有奇書。仁術仁心。操查岐俞。真三世。針砭及世俗。醫人醫國。留名和緩。自千秋。四世三折肱。采芝劓藥。遍拯災黎。試看秀茁蘭枝。雲路方長。種德于公。應獲報。五福一曰壽。扶杖含飴。足娛暮景。正好香浮菊釀。風微遠杏。延年酈

水竟無功。

●卜者

尺寸長短。龜筮難知。有人往見鄭詹尹。

機石仙靈。河槎空返。何處得訪嚴君平。

香火結因緣。著蔡靈長。寓目見筠簾低映。

膏肓成痼疾。薤蒿哀痛。傷心看桐翠空歸。

揭來杜老問年。當時著草靈長。誠通香火。

為訪君平何處。今日筠簾低映。淒絕風霜。

●星士

慧業擅知來。豈真河洛數窮。到此

未由推勘。

仙遊渺何處。應與聖賢道合。長茲不泯英靈。

陰陽歷參考如何。壽命短長。推勘奇零曾有准。

造化機詳觀不爽。干支衰旺。遭逢蹭蹬劇堪悲。

羅二十八宿胸中。辰曜歸宮。益壽延年理應問。

探三百六旬指底。陰陽合數。察來彰往命難違。

●相家

先生和易近人。青眼相垂。到處便同佳客話。

此去音塵隔世。白雲終古。修真合在上天居。

●堪輿家

先生獨識來龍脈。華表何年化鶴歸。

金鎖葆真元。此去如陳搏再世。青囊成慧業。先生是郭璞後身。

學富錦囊烏。妙術平生通玉尺。神歸華表鶴。山人何處問金精。

●算學家

我曾昔日見之。迺知是為隸首學。人報先生歸去。太息誰傳周髀經。

●善弈者

試問於意云何。曾與巴邱叟同弈者。報道先生歸也。盍向爛柯山下尋之。

●詞曲家

慧業擅知來。豈真河洛數窮。到此

楚些魂招。廣陵散絕。
人琴聲杳。隣笛心傷。
尊酒昔從遊。檀板清歌。此曲祇應
聞天上。
湖樓纔小別。幔亭餘韻。可哀空與
唱人間。

●酒家

狂歌可以當哭。
衆醉何必獨醒。
世態浮雲。舉杯權作臨印隱。
人生朝露。橫槩如聞孟德歌。

●坊者

棄勳闕。薄友家。王承福真賢者。
避亂世。隱監門。梅子直其仙乎。

●僧人

窗前有竹傳風籟。

座上無人對雨花。

四大皆空。乃成圓覺。

三緣已斷。獨自歸真。

春去禪林。松老不花。雲塢寂。

苔生杖室。月明無主。竹窗虛。

落落情緣。那堪一見一回首。

空空妙相。留證三藐三菩提。

淨院落藤花。石不點頭龍不語。

殘經凋具葉。香無飛篆馨無聲。

有人從鹿苑。鷲峯來。謂見高僧嘗

卓錫。

此行到花天。蓮界去。長教世界得

傳燈。

隣笛忽聞聲。無限淒涼。偏沉寂。高

僧梵貝。

人琴空寄感。霎時解脫。應早渡覺

路津梁。

梵行清高。繙幾卷貝葉蓮花。入定

山中禪座。

佛門解脫。看一片閒雲冷月。眷懷

方外人琴。

如來世界皆花。可許小書癡。拈將

瓣瓣青蓮。替爾招魂三徑外。

佛說死歸是幻。今得大解脫。當此

蕭蕭黃葉。問君何處一聲秋。

成佛豈無慧業。出家尙有名心。文

字本難工。試聽暮夜鐘聲。詩境何

如禪境趣。

我猶帶水拖泥。君已拈花種果。隣

居緣太淺。惟祝靈山香火。來世無

忘今世因。

●道士

煮石爲方留祕訣。
采芝何處覓行蹤。
紫雪丹成。驂鸞玉闕。
黃梁夢覺。控鶴金臺。
果證三生。鶴馭鸞驂。應返駕。
丹成九轉。雞鳴犬吠。亦登仙。
說偈無人。一段黃雲空繞几。
離塵有夢。半彎新月冷窺窗。
飲符水以終。蝶化竟成辭世夢。
跨石梁而去。鶴鳴猶想步虛聲。
是嘗從吾游焉。一鶴孤舟。千疊愁
心在江上。

●尼姑

般若臺空。燈影恰隨雲影散。

佛曇花謝。經聲自逐雨聲銷。
本是天女解禪。此去上登極樂界。
願爲衆生修法。如來先現化應身。
齋魚粥鼓幾清修。老佛慈悲應許
梵門春不老。
寶鏡金鈿久拋却。浮屠圓寂。怎教
禪榻夢無痕。
我佛無靈。我佛有靈。聽暮鼓晨鐘。
應留取長春長在。
斯人不死。斯人竟死。灑楊枝甘露。
爲送將全受全歸。

●優伶

訪舊難溫元祐夢。
含悽如訴廣陵琴。
宋玉新聲悲楚客。
龜年餘淚泣唐宗。

似聞湘瑟秦笙。雲中高會。
疑是驂鸞駕鶴。海上遊仙。
此是何時。豈容有昇平雅頌。
君歸大好。更當作供奉神仙。
此曲幾回聞。人間絕響。廣陵散。
暮春三月盡。江南忍憶落花時。
君如天寶宮人。遺事重談。傷白髮。
我亦貞元朝士。淚痕無限。濕青衫。
好夢渺難尋。白雪陽春。絕調竟成
廣陵散。
知音能有幾。高山流水。傷心永斷
伯牙琴。
參不透絮果蘭因。結局竟如斯。逝
水年華悲夢斷。
拋得下舞衫歌扇。逢場今已矣。落
花時節送春歸。

聲容具希世之長。於今南內無人。
偏又是落花時節。滄海有揚塵之痛。
從此廣陵絕響。再休題天寶當年。

●女伶

好花看到半開時。令人耐想。
妙曲從今無覓處。使我銷魂。
生在百花前。萬紫千紅齊俯首。
春歸三月暮。人間天上總銷魂。
瘞玉無銘。可憐鳳去臺空。歌舞竟
成絕響。
焚蘭有恨。從此巫山滄海。人天何
處招魂。
嘈嘈雜雜。字字聲聲。高唱遏行雲。
妙曲正傳新樂府。
脈脈盈盈。婷婷嬈嬈。芳顏杳明月。

仙人此去大羅天。
陽春白雪。廣和為難。絕調串珠喉。
法曲竟成廣陵散。
流水落花。歎歎欲絕。芳顏空寶鏡。
仙遊此去大羅天。
拈相思子。徒喚奈何。會當相掬斛。
愁泉迸作淚痕。遍灑。
留清白身。還諸造化。恨不得一坏
淨土。為營香塚千秋。

●附新劇女伶

主文譎諫。諧謔相兼。遊戲女人工。
認取春婆醒夢。
流水落花。歎歎欲絕。翩翩仙子逝。
惹將秋士相思。
●妓女
流水落花。春去竟歸無著地。

小池青草。我來如對莫愁湖。
生在百花前。萬紫千紅齊俯首。
春歸三月暮。人間天上總銷魂。
未免有情憶酒綠燈紅。一別竟成
春去了。
似曾相識。悵梁空泥落。何時重見
燕歸來。
綠酒紅燈。曾落魄行來。覺我揚州
十年夢。
春花秋月。已等閒過盡。送卿蒿里
一聲歌。
願曲我情移。最難絳樹雙聲。碧玉
毫無小家氣。
蓋棺卿論定。杜盡鑠金衆口。木蘭
猶是女兒身。
我猶未遇。卿竟長貧。淪落有同情。

沈下江州白司馬。
香莫返魂絲難續命。淒涼彈往事。
曲終金縷杜秋娘。
寶釵夢裏秋盡紅樓。佳節近重陽。
把酒尋花成往事。
珠斗光寒春殘黃浦。美人似名將。
英雄兒女各千秋。
揚州杜牧畢竟銷魂。祇贏得簡斷
篇殘無力東風莫抬舉。
虎阜貞娘終成薄命。沒奈何香零
粉賸有情明月易沈淪。
薄命太無依。况屢經雨雨風風身。
世飄零。此去反爲安樂。
繁華原是夢。告大衆花花葉葉光
陰荏苒從今好自護持。

●附妓傭

隨倡條。作冶葉。身世可憐。秋月春
花等閒過。
無情天有恨。海風塵太苦。紅燈綠
酒任魂消。

按年應用

●十歲男輓

譽著鳳雛。方忻就傅。
識徵鷓鴣。遽赴修文。

就傅正當時。春草池塘詩有夢。
游仙悲幻境。青楓夜月樹生寒。
走馬便成吟。萬里桐花殘燭冷灰
傷永訣。
騎鯨何處去。一聲隣笛。雍歌蒿曲
起哀思。

●十歲女輓

閨訓已能嫻。讀內則篇。蚤知確守

絲鞶禮。
芳齡真太促。勒北山石。何爲遽奪
金鑾年。

●十一歲男輓

渾減立跳盪功。正當其歲。
庾信作塵埃語。倍傷於心。

●十一歲女輓

纔過旬年。焮掌居然呼不櫛。
頓驚噩耗。招魂何處拾明珠。

●十二歲男輓

才同甘露偏無壽。
色現曇花總不長。

東方朔是年。曾熟三冬文史。
庾元規今日。竟成萬古塵埃。
幼慧與誰倫。正如江夏黃童饋衣
動慕。

病魔苦作祟。若遇延陵季子。掛劍傷心。

●十二歲女輓

數到芳齡。忍說闌干行徧。驚聞噩耗。怎教闌蕙開殘。

●十三歲男輓

舞勺正當年。天奪妙齡真太促。修文何遽赴。我成哀誄不勝悲。

●十三歲女輓

驚聽噩耗傳來。忍為簪花懷格調。問到芳齡幾許。空將舞勺例年華。

●十四歲男輓

翰墨。杜工部學似班揚。到此行年場遊。孔武仲詩吟雲水。可勝感舊淚灑。

江湖。

幼慧本天成。若教童子登科博學。

宏才。却與晏殊同歲。

中殤由數定。偏是髫齡短命。感思

舊事。那堪庾信鐫銘。

●十四歲女輓

蘭質本生成。詠絮都根夙慧。

曇花驚萎謝。及笄空盼明年。

●十五歲男輓

智慧超羣。年方志學。

短修有數。天不永齡。

定數迫中殤。若問壯年方及半。

天生成幼慧。再求同輩殆無雙。

●十五歲女輓

不櫛譽方傳。蘭質生成原可喜。

及笄年可數。曇花萎謝又何堪。

●十六歲男輓

二八芳年隨水去。

初三新月被雲遮。

慧似成人比何晏。八齡差長。

慟深短命視顏淵。半數纔經。

文學似王筠。芍藥成詩迫春盡。

心肝嘔李賀。玉樓待記召君還。

●十六歲女輓

翾風妙巧本無倫。又及二八年歲。

明月團圓偏易缺。纔過三五光陰。

●十七歲男輓

發憤讀書。竟先蘇老泉十歲。

蚤亡短命。還少顏氏子半生。

●十七歲女輓

恨石三生。忍話到一重心事。

曇花一現。甫經過二八年齡。

●十八歲男輓

陸贄少年舉博學宏詞。正當其歲。顏淵短命。不遷怒貳過。孰與爲倫。

●十八歲女輓

翻作女流。真是相如才比擅。驚聞噩耗。那堪羅漢果參完。

●十九歲男輓

短命厄華齡。此別吞聲竟成千古。長殤成定數。倘教弱冠還蚤一年。

●十九歲女輓

忍說到穠李天桃。還待明年禮日嫁。盛傳出歌蒿誅薤。不堪頃刻夢如塵。

●二十歲男輓

如此少年。聰明不壽。正當弱冠。摧折堪悲。

裘馬增華。五輩年少。

芙蓉作主。一夕仙遊。

冠而加字。同輩不呼名。著代阼階。

正及歲。

慟更爲誰。好學竟短命。傷心天道。

又寧論。

●二十歲女輓

穠李天桃。正好芳齡。禮日嫁。零脂賸粉。不堪香夢境。如塵。

●二十一歲男輓

弱冠逾年。遊學正思東渡。請纓有志。夢魂竟化南柯。

弱冠甫經年。橫渠談兵。意興高騫。

當此歲。

才人多不祿。子山思舊。情懷慘切。

忍成銘。

●二十一歲女輓

女誠能遵。卻道年齡二十一。悲懷曷已。難說心情幾萬重。

●二十二歲男輓

逾弱冠僅兩年。忽然不祿。最傷心。惟二老。何以爲情。

力學傷身。如李賀嘔心而死。

英才短命。同岳雲過害之年。

●二十二歲女輓

風信未吹全。若問棟花猶欠二。雪詩曾賦得。再廣柳絮定無雙。

●二十三歲男輓

定數竟無常。風信未完春已逝。歸真何太速。雲程有阻願難償。

風信未全吹。曾不到棟子花開春。

先歸去。

天年何太促。相與聽楚些聲起。淚欲橫流。

●二十三歲女輓

詩詠稟梅。未定禮經稱有故。恨深埋玉。豈真天數定難違。

●二十四歲男輓

玉樹方森。愛天姿之特出。棟花正放。數風信其奈何。

風信幾番更。吹到棟花春欲去。天年刹時盡。歌成蒿里淚猶零。

●二十四歲女輓

風信吹完。冷落棟花何太苦。雪詩吟就。飄零柳絮不成春。

●二十五歲男輓

錦瑟調絃悲夜月。落花隨水怨春風。

半及艾年期。立志進行。鵬奮雲程何限量。

數完花信後。留春不駐。鶴歸華表太淒涼。

逾弱冠甫及五年。磊落英多。鵬奮雲程何限量。

作病祟忽遭二豎。膏肓不起。鶴歸華表太淒涼。

就木又如。是聞季隗曾有此語。鼓盆非得已。即蒙莊亦難為情。

短命最堪傷。召赴玉樓。還超上長吉一歲。

歸真何太速。泣為瓊淚。詎無傷聲伯三年。

●二十五歲女輓

就木又如。是聞季隗曾有此語。鼓盆非得已。即蒙莊亦難為情。

●二十六歲男輓

短命最堪傷。召赴玉樓。還超上長吉一歲。

歸真何太速。泣為瓊淚。詎無傷聲伯三年。

伯三年。

●二十六歲女輓

數到華年。但說番風添二候。話來心緒不堪恨。石問三生。

●二十七歲男輓

讀書正學蘇允明。短命偏同顏子淵。

屈指數華年。正蘇明允發憤讀書之歲。吞聲成死別。有庾子山作銘思舊而來。

●二十七歲女輓

斗宿未羅全。寶婺中天先黯色。壺儀應式後。女箴來日定傳名。

●二十八歲男輓

憎命歎文章。王勃為渡南海卒。傷心增感慨。羊曇曾哭西州來。

●二十八歲女輓

安排斗宿羅徧心胸。應見光輝增女界。

猛烈罡風摧殘顏色。不堪哀悼叩靈幃。

●二十九歲男輓

待至來年纔及壯。不堪今日便登仙。

綺歲富才華。轉瞬經年即日壯。病魔催祿命。撫心痛哭不勝悲。

●二十九歲女輓

帆綵雲。方期來歲三旬。兕觥稱壽。

鏡奩塵掩。安忍憑棺一擲。鶴馭昇仙。

●三十歲男輓

賦詞登壇。剛徵半甲。

文章憎命。竟限三旬。

短命限三旬。騎鶴相迎徵幻夢。

同聲來一擲。鳴驢作弔寄悲懷。

丈夫自立正。及其時。讀曲禮則曰

壯歲。

短命而亡。豈定諸數。比顏淵還欠

二年。

●三十歲女輓

錦瑟無端。天促年齡月同晦。琴絃中斷。緣深伉儷夢難圓。

●三十一歲男輓

數越三旬多幾月。

花開半甲有餘年。

自立正當時。業就名成。如許壯猷

曾未竟。

相交原有素。人亡物在。追懷舊友。不勝悲。

●三十一歲女輓

綵帔高懸。猶記上年祝三秩。總幃空對。何堪前路問重泉。

●三十二歲男輓

乍過壯年。由強仕而遞進。不幸短命。哭大賢其奈何。

●三十二歲女輓

甫經壯歲二年。竟與顏淵同短命。相與放聲一擲。豈徒庾信賦傷心。

●三十三歲男輓

短命僅中年。比似尼山勸顏子。高歌據悼念。還應巨室學莊周。年歲相同。賈長沙痛哭而死。風流頓歇。庾子山思舊為銘。

屈指數華年。王右軍手寫蘭亭。正當其歲。驚心聞噩耗。李延年曲分蒿里。無限興悲。

●三十三歲女輓

屈指數春秋。三秩華年。又三齡甫屆。傷心送駟輅。一朝永訣。更一慟何堪。

●三十四歲男輓

待至來年。僅得古稀半數。何期今日。竟然長別千秋。壯年纔閱四齡。白樂天是歲吟詩。感懷明鏡。噩耗俄傳頃刻。李長吉持書應召。待記玉樓。

●三十四歲女輓
駒隙流光。屈指數華年。正是重三增一。鸞駟返駕。同聲稱淑德。恍然寡二少雙。

●三十五歲男輓

交誼素相孚。為數修齡未及強年。猶五載。沉疴竟不起。俄傳噩耗。何堪清淚灑重泉。

●三十六歲男輓

年過三紀餘。白樂天選句成詩。正當其歲。寶鏡塵封。半數古稀年未老。瑤琴風斷。三生恨事話何因。

才超百里上。龐士元治中逝世。卻是此年。厄運迭相乘。與古人同歲歸。真有龐士元周公瑾。傷心無可釋。惟吾輩愴懷感舊。如庾子山陸平原。

●三十六歲女輓

屈指數行年。正是蟻珠寄四匝。傷心動哀感。不堪鶴馭返重霄。

●三十七歲男輓

與謝惠連同歲歸真。風凋蘭玉。如石曼卿故人得夢。仙主蓉城。天上遽歸真。神託騎箕。強仕年齡三歲少。風前憑作奠。人來執紼。哀感情懷一致同。

◎三十七歲女輓

厄運忽相乘。穿盡蟻珠。四匝方周。無可續。

沉疴竟不起。送歸鶴馭。再生何日得相逢。

◎三十八歲男輓

強仕待將來。欠二歲而歸真。厄運乘時。竟同俞通海。

壯猷曾未竟。為一朝之永訣。傷心作賦。豈獨庾子山。

◎三十八歲女輓

行年四秩。猶欠二齡。弱蕙叢蘭。空有感。

永訣一朝。竟成千古。歌蒿誄。薤不勝悲。

◎三十九歲男輓

勞生強半龍鍾。蘇子瞻是歲吟詩。亦多感慨。

來客便為蠅弔。虞仲翔有心作賦。無限淒涼。

六一詩話有言。石曼卿仙主蓉城。同遊不得。

四十年齡猶欠。白香山句題玉局。感慨良多。

◎三十九歲女輓

四秩計萱齡。準備來年。兕觥稱慶。一聲傳蒿曲。何堪頃刻。鶴馭昇遐。

◎四十歲男輓

學養功深。年徵強仕。死生命定。天厄賢人。

曲禮堪稽。方幸年符強仕。遺詩具在不圖。數限賢人。

屈指計行年。正好禮經稱強仕。傷心聞噩耗。那堪哀誄哭斯人。

◎四十歲女輓

懿德仰慈雲。四秩萱齡。兕觥稱壽。行年感流水。一聲蒿曲。鶴馭昇遐。

◎四十一歲男輓

厄運遽相乘。與太史慈同歲卒。傷心曾不已。作歐陽修塵榻詩。

清曠抱孤懷。志願未酬。與仲長統同年而逝。感傷成哀誄。神情莫罄。如庾子山思舊之銘。

◎四十一歲女輓

記上年兕酒稱觴。纔祝萱齡四旬壽。痛今日鸞駟返駕。空薦生芻一束。

來。

●四十二歲男輓

晉強仕祇二齡。天奪賢人與郭有。道同歲卒。

感風流兮千古。門來吊客作陸平。

原歎逝文。

世誰知己。倘吳季札佩劍還。卻為

徐君繫墓。

天不永年與郭有。道同歲卒。有媿

蔡邕作碑。

●四十二歲女輓

問慈齡幾何。如來是年為諸菩薩

說波若。

痛仙遊遽去。林宗喪母。有徐孺子

奠生芻。

●四十三歲男輓

病髮愁心。白樂天是歲吟詩。亦何

多感。

素車白馬。張元伯有人執紼。永從

此辭。

●四十三歲女輓

慶四旬甫晉三齡。景駐蓬壺。應長

此輝騰寶婺。

陳九疇宜全五福。風淒駟輅。何遽

然駕返瑤池。

●四十四歲男輓

駒駛過中年。李密陳情。自言其歲。

鶴歸來華表。陸機歎逝。深感於懷。

傳來蒿里悲歌。定數限四旬。有四

留得蘭亭陳蹟。斯文感三月初三。

●四十四歲女輓

萱草忘憂。數重四年齡。璇闈承顏

託慈宇。

蘭陔棄養。到大千世界。瑤池應召

列仙班。

●四十五歲男輓

易筮義爻。再進五齡。推大衍。

文修地府。誰知一別。永千秋。

晉強仕僅五齡。未竟才猷。與呂東

萊同歲卒。

傷塵埃兮萬古。不堪哀悼。作庾子

山思舊銘。

●四十五歲女輓

蟾魄望重圓。屈指萱齡。猶未老。

鸞駟驚遽返。傷心薤曲。不勝悲。

●四十六歲男輓

預計服官年。尚餘四載。

忽存出世想。永別千秋。

年矢每相催。白太傅是歲吟詩。衰
頓江城重有感。人琴渺何處。歐陽公空齋懷舊。遺
編塵榻不勝悲。

●四十六歲女輓

年矢每催。五九數參全。又屈一指。
仙輶何處。四六齡經到。遽感千秋。

●四十七歲男輓

是歲雪堂成。清興獨高。輸與東坡
遊赤壁。空齋塵榻掛。愴懷曷已。猶是廬陵
哭老泉。

●四十七歲女輓

五秩壽靈萱。願祝長齡待三載。
一朝摧慈竹。流傳淑德永千秋。

●四十八歲男輓

噩耗忽傳來。為君數到艾齡。還欠
二載。知音何處覓。令我歌成蒿里。永訣
千秋。

●四十八歲女輓

明月冷清輝。何處吹簫。兩度虹橋
成絕響。慈雲斷高蔭。今朝屬續。千秋鶴馭
渺仙蹤。

●四十九歲男輓

太行未歸奇。艾歲服官。虛厚望。
浮生原是夢。蓉城作主。遽仙遊。
名附玉堂仙。論歲剛知賢士道。
魂歸華表鶴。傷心痛賦大招篇。

●四十九歲女輓

雲擁靈萱。樂事春暉常駐景。

風摧慈竹。行年大衍未歸奇。

●五十歲男輓

纔得知非。公乃厭世。
奈何學易。天不假年。

慶值遽年。天上神仙應未老。

歌聞蒿里。人間哀痛竟如斯。

知天命以奚疑。為學守尼山教訓。

歎川流之不息。此生如逝水年華。

●五十歲女輓

兕酒稱觴。母壽方登半百歲。

鸞輶返駕。仙蹤遽杳九重泉。

●五十一歲男輓

契蘭言二人同心。攻錯相資。却喜

苔岑通臭味。

經艾歲一年屈指。風流頓盡。不堪

蒿里起悲歌。

兩地悵遙睽。記上年艾歲經過。未與稱觥同祝壽。

一朝成永訣。痛此日蒿歌競起。倍傷易篋即歸真。

●五十一歲女輓

咒酒乍稱觴。計五旬纔晉其一。鸞駟今返駕。別千古且號者三。

●五十二歲男輓

厄運忽相乘。與富鄭公同歲卒。沈疴竟不起。作庾子山思舊銘。

●五十二歲女輓

數五旬纔晉二齡。逢吉康強應未艾。別千古同深一慟。留芳賢淑詎能忘。

●五十三歲男輓

蘭臭契知心。同氣二人聯作一。蒿歌成哀誄。行年五秩閱增三。

●五十三歲女輓

五旬三載遞相增。方冀萱堂駐春景。一慟千秋成永訣。那堪薤露動悲歌。

●五十四歲男輓

艾齡四載遞相增。杖進扶鳩方謂蓬壺駐春景。榦略一生誰與匹。夢迎騎鶴忍聽鄰笛感前遊。

●五十四歲女輓

日艾四齡。西池遽赴王母宴。生芻一束。南州還在孺子來。

●五十五歲男輓

幹略本無雙。卓爾高才超一世。艾年增及五。傷哉永訣別千秋。尚得閒行十五春。有白樂天吟詩。七秩花前祝強健。不盡欲言千萬語。如李延年按曲。一聲蒿里賸悲哀。

●五十五歲女輓

花甲幾時周。經過五旬屈十指。祇及其半。萱花頃刻萎。可勝一慟。訣千古且號者三。

●五十六歲男輓

數越艾年。復增六載。算來花甲。尚欠四齡。大壽誰咎。數艾年又晉六齡。屈十指已過其半。

●五十六歲女輓

沈疴不起歌蒿里何堪一。訣千古且號者三。

●五十六歲女輓

屈指數慈齡。胸羅兩度參星斗。驚心傳噩耗。淚灑千行冷蔦蘿。

●五十七歲男輓

欠三齡花甲未週。何遽騎鯨作仙逝。

別千古蒿歌為誄。不堪弔鶴鬢悲懷。

●五十七歲女輓

噩耗忽相傳。渺矣萱幃永訣千古。慈齡何太促。傷哉花甲還欠三年。

●五十八歲男輓

坐奠。梁木泰山。泗水杖行歌。爭奈兩楹。

輕裘緩帶。峴山碑墮淚。何堪同歲歸真。

●五十八歲女輓

六旬轉瞬。祇欠二齡。彤管敷徽傳淑德。

千古傷心。都歸一樹。素幃設奠起哀思。

●五十九歲男輓

統置閏以計年。好算六旬已屆。謂修德必獲報。誰知一病而殂。

屈指計行年。方期來歲稱觥。算周花甲。

傷心傳噩耗。相與同人執紼。曲按蒿歌。

榮壽。希韞鞠騰。準備奉觴。來歲六旬祝。

梁木泰山。忽歌曳杖。永訣千秋作古人。

●五十九歲女輓

花甲祝慈齡。準備明年奉觴上壽。萱堂留淑範。何堪仙馭返駕歸真。

●六十歲男輓

讀孔子春秋。心傷絕筆。作大撓甲子。數盡編年。

五福備陳疇。方喜遐齡周甲籙。六旬歌介壽。如何華彩黯庚星。

蓮華經有言。過度為六十小劫。芙蓉城作主。來迎有三百麗妹。

健步扶鳩。正宜海屋添籌。六秩遐齡周甲籙。

傷心吊鶴。堪歎幽宮息影。一時朗彩失庚星。

坐奠。

●六十歲女輓

桃實登筵三千年大會羣仙有西王母來召

萱花萎影六十歲小劫過度如南華經所言

●六十一歲男輓

庚星傷忽實作庾子山思舊銘不堪灑淚

甲籙計方周與壬摩詰同歲逝何處遊仙

●六十一歲女輓

花甲甫經年願祝慈齡百歲壽萱堂空在望最傷婺彩一星沉

●六十二歲男輓

八卦除卻乾坤歷算已符餘數一旦歌聞山木撫楹倍覺傷心

晉六秩二齡馬伏波顧盼自雄帝

笑是翁鑠矍

陳九疇五福殷箕子考終正命君

能無媿全歸

●六十二歲女輓

六秩兩年輕婺彩沈輝素幃想像

九疇五福備母儀壽世彤管流芳

●六十三歲男輓

定數竟難違矍鑠是翁與馬伏波

同年謝世

哀懷何可已感傷知己效庾子山

思舊成銘

洪範福陳疇關心晉花甲三齡典

重引年應共慶

鄰喪春罷相悼念趙雍歌一曲銘

成思舊不勝悲

●六十三歲女輓

母德喜常聞益壽十年應算亥慈顏傷永訣沈疴一夕倍酸辛

●六十四歲男輓

身世歎衰羸是年白樂天吟詩亦多感慨

路途異生死當日范巨卿出弔同

此悲傷

健步扶鳩司馬溫公入耆英會援

將唐事狄慮適符其歲

傷心吊鶴昭明太子作思舊詩話

到漳濱契闊尤感於懷

●六十四歲女輓

萱草忘憂真是九疇五福備

蘭陔棄養正當六秩四齡經

●六十五歲男輓

老成凋謝。自顧無成。忍說靈光頽頃刻。

噩耗驚傳。悲懷曷已。爭教誠意卒同年。

數花甲已晉五齡。數古稀尚欠五齡。矍鑠精神。方謂延年益高壽。

論品學儒雅一派。論心術慈善一派。老成型典。那堪託庇失喬蔭。

●六十五歲女輓

懿範永流傳。言相夫舉按之孟言。教子斷機之孟。

沈疴竟不起。數花甲已晉五齡。數古稀尚欠五齡。

●六十六歲男輓

天奪老成。梁木哲人。與謝東山歐陽文忠同歲而逝。

世傷耆舊。空齋塵榻。作庾開府昭明太子思舊之詞。

重望斗山尊。方欣重六年時。美蔭椿暉。定漸到期頤上壽。

不材樗櫟質。敢附二三子後。俚詞薤露。亦藉伸哀悼微忱。

●六十六歲女輓

萱草忘憂。洪範備陳九五福。蘭陔棄養。慈壽方登重六年。

古稀稱壽。小待三年。海屋添籌祝純嘏。

●六十七歲男輓

正命考終。了無纖憾。泉台含笑作仙遊。

七秩欠三年。白樂天詩句相傳。斗酒相看。老懷自在。

九疇陳五福。殷箕子彝倫攸斂。考終有命。遺憾應無。

上壽古稀尊。待三年萱室開筵。奉觴祝嘏。

噩音俄頃到。驚一夕蓬池返駕。遺梓傷懷。

●六十八歲男輓

塵榻掛空齋。往事感懷。與歎有歐陽永叔。

名園遺獨樂。同年作古。傷心哭司馬溫公。

慈蔭庇堂前。准明年預祝古稀。畚

講小待。

婺輝沈天上。痛今日遽傳噩耗。遺

桂增悲。

●六十九歲男輓

預祝古稀年。先一歲稱觴。耄耋期

頤。豈奢望。

是謂考終命。將九疇陳範。康寧壽

富此全歸。

●六十九歲女輓

七秩古來稀。預祝慈齡先一歲。

五福考終命。備陳洪範是全歸。

●七十歲男輓

健步扶鳩。喜上壽方登七秩。

傷心弔鶴。痛老人永別千秋。

山斗同尊。壽得古稀。耄耋期頤。登

百歲。

人琴頓杳。疇陳洪範。康甯好德。算

全歸。

●七十歲女輓

桃實獻池西。正慶衍七旬。同尊母

壽。

萱花萎掌北。奈痛深一慟。永別慈

顏。

●七十一歲男輓

舊雨感生平。交友推情我哭鮑叔。

晨星數天末。同年逝世君與揚雄。

●七十一歲女輓

晉古稀以一齡。逢吉康強祝母壽。

備洪疇於五福。考終正命赴仙遊。

●七十二歲男輓

屈指數遐齡。壽算增高已是古稀

晉二。

傷心懷遺範。典型在望。依然達尊

兼三。

●七十二歲女輓

算亥尚明年。酒進兕觥。次第到期

頤百歲。

酸辛懷懿範。駕歸鶴馭。傷心是風

燭一朝。

●七十三歲男輓

算亥重高年。日數安排同絳縣。

酸辛懷遺範。風流歇絕痛黃泉。

●七十三歲女輓

鶴髮婆婆。喜母壽尊崇。真是九疇

陳五福。

鸞駢縹緲。痛慈顏永隔。正當七秩

晉三齡。

●七十四歲男輓

風光拋得。是年白傅吟詩。險路通

津深有感。

天道寧論。當日江郎作賦。平原蔓草那堪禁。

●七十四歲女輓

養潔蘭陔。方是古稀四年。益歌聞蒿里。何堪寶婺一星沈。

●七十五歲男輓

作庾子山傷心言。人同哀誄。與范堯夫同歲卒。天不憖遺。

●七十五歲女輓

晉古稀以計。老年屈十指。剛及其半。

承母德而失慈蔭。痛重泉且號者三。

●七十六歲男輓

運甕湖前。徽自古流傳。是歲歸真。陶士行。

憑棺增慟哭。尋君何處。巍然失望。魯靈光。

山斗仰彌尊。綠野堂開。與裴晉公同年謝世。

人琴空有感。黃泉路隔。令庾子山思舊成銘。

●七十六歲女輓

萱草忘憂。洪範九疇五福備。蒿歌作誄。慈齡七秩六年經。

●七十七歲男輓

距杖朝祇欠三齡。健步扶鳩。方祝期頤。登上壽。

臨紉殯同來一慟。傷心吊鶴。不堪蒿薤起哀聲。

祝耄齡小待三年。大限難違。頃刻靈光傾魯殿。

懷陳蹟頓成千古。考終有命。應知全福備箕疇。

●七十七歲女輓

陳九五疇。萱草忘憂。正是康寧好德。

當重七歲。蒿歌作誄。猶然福壽全歸。

●七十八歲男輓

七十歲又晉八齡。道範長存。方喜樽暉叨茂庇。

二三子同來一慟。遺容頓杳。興歌薤露動餘哀。

七八齡魯殿靈光。老成典型。深幸崑存尊重望。

九五福箕疇壽富。考終正命。常教想像話遺徽。

●七十八歲女輓

備九疇五福考終光沈寶婺
享七秩八齡上壽駕返瑤池

●七十九歲男輓

預咏九如詩待來歲祝公八秩
竟成千古恨何上天靳此一齡

帛韞鞠膺預祝耄齡深願莊椿常
不老

誄薤歌蒿同傷大暮悵懷梁木有
餘哀

●七十九歲女輓

桃實獻池西先一歲預祝八旬上
壽

萱花萎堂北陳九疇考終五福全
歸

●八十歲男輓

卓爾經綸空期渭水

飄然風致恨望香山

八十年葆素全真駟馬申公招不
至

五千言修身煉性騎牛老子去何
之

進貳膳為常珍益壽延年還祝遐
齡臻百歲

備五福而好德考終正命胥捐遺
憾到重泉

鶴髮婆娑正喜平頭八十歲

鸞駢縹緲最傷永訣九重泉

暑景駐蓬壺慶大耋高年記上歲
帛韞鞠膺

●八十歲女輓

●八十一歲男輓

●八十二歲女輓

●八十三歲男輓

●八十二歲女輓

●八十三歲男輓

●八十二歲女輓

哀歌聞蒿薤仰老成碩望作他年
考獻徵文

●八十一歲女輓

八秩平頭記上歲帛韞備徵幸福

九原息影撫他年遺榭空寄哀思

●八十二歲男輓

寶燕山教子義方五桂齊芳八二
齡數成大暮

殷仲堪動人景慕一朝永訣九重
泉映徹休明

萱草忘憂陳九疇備徵五福

蘭陔乘養享八秩纔晉二齡

八三齡益壽延年生歲誇長絳縣
老

●八十二歲女輓

●八十三歲男輓

●八十二歲女輓

●八十三歲男輓

●八十二歲女輓

●八十三歲男輓

九五福考終正命。好德爲陳箕子疇。

陳五福九疇。殷箕子考終演範。晉八旬三歲。楊誠齋同甲歸真。

●八十三歲女輓

算亥十年經。寶婺騰輝。同尊母壽。酸辛九泉隔。瑤池返駕。空憶慈容。

●八十四歲男輓

屈指計行年。是九老會。龍武長史。傾忱來致奠。有同遊客。驢鳴一聲。

●八十四歲女輓

晉大耄四齡。去赴仙遊。西池正開。王母宴。

奠生芻一束。夙欽母德。南州還有孺子來。

●八十五歲男輓

清興麥邱遊。剛問到封人年歲。哀歌蒿里曲。常存有老成典型。

●八十五歲女輓

享大耄八旬。又晉五齡。尊母壽。奠生芻一束。長教千古式芳型。

●八十六歲男輓

屈指數行年。一曲鑑湖。賜來賀監。撫心傷逝世。三年塵榻。吟到歐公。

大耄晉四齡。方酣足春光。九十俗塵拋。一旦永隔離。弱水三千。

●八十六歲女輓

慶溢璇閨。陳洪範九疇。備五福。真歸瑤島。享慈壽八秩。晉六齡。

●八十七歲男輓

純嘏永無疆。就室從珍。屈指三年期不遠。

遐齡偏有限。哲人梁木。傷心千古淚同流。

●八十七歲女輓

八秩七年經。慈壽長綿。取次遐齡登百歲。

一朝千古別。母儀猶在。不遺纖憾到重泉。

●八十八歲男輓

重八歲晉祝遐齡。兩載流光。老年徵實。

九五福備。陳洪範九泉含笑。纖憾無留。

晉二齡已是耄年。不老靈椿。方卜

期頤。登上壽。誦九如相傳。天保咸宜。戩穀誰知

蒿薤動悲歌。

●八十八歲女輓

萱草忘憂。上壽方登。重八歲。蘭陔棄養。洪範備陳。九五疇。

●八十九歲男輓

純嘏錫無疆。膳飲從游。稱觴預祝。九旬壽。遺型傳不朽。考終正命。陳範全符。五福疇。

●八十九歲女輓

逢吉康強。來歲九旬。先預祝。考終好德。洪疇五福。算全歸。

●九十歲男輓

一百年彈指。光陰天胡。斬此。九十載從頭。計算春已歸。兮。移山莫笑愚公。到此行年。老當益。

陳範為思箕子。享來全福。哀亦多榮。

數難盡大壽三千。盤熟蟠桃。先祝百歲。

留不住春光九十。廚借櫻筍。為奠一觴。

●九十歲女輓

九秩正平頭。鶴算添籌。應卜遐齡。登百歲。一生惟好德。鸞駟返駕。不留纖憾。到重泉。

●九十一歲男輓

祝耄年壽。又晉一齡。百歲期頤。操左券。陳箕範疇。備膺五福。千秋矩矱。仰前型。

●九十一歲女輓

母壽同尊。上歲稱觴。祝九秩。仙遊何處。他年遺卷。記千秋。

●九十二歲男輓

大年仰企。相慶無疆。多福多壽。多男有華。封人抒誠。獻祝。碩望相傳。允稱不朽。立言立功。立德與文。潞公同歲。歸真。

●九十二歲女輓

萱草忘憂。陳洪範疇。備膺五福。蘭陔棄養。逾老年壽。甫晉二齡。

●九十三歲男輓

九旬夢與三齡。家傳安膳。百歲算虛七載。天斬期頤。頤養有餘歡。周武王天錫遐齡。延年益壽。

出

歸真無遺憾。殷箕子疇陳全福。好德考終。

●九十三歲女輓

懿德仰千秋。孟氏為鄰符若一。遐齡晉九秩。周家有夢與惟三。

●九十四歲男輓

晉耄歲又四齡。願祝期頤百年壽。錫洪範以九次。為演考終五福疇。

●九十四歲女輓

享大年九秩又四齡。鶴算添籌慈顏長在。稱盛事一堂同五代。鸞駟返駕懣懣不留。

●九十五歲男輓

抑戒賓筵。衛武是年猶好學。泰山梁木。哲人安仰倍傷懷。

●九十五歲女輓

福壽一身全。洪範陳疇數符九五。郝鐘千古重。母儀式訓世鮮二三。

●九十六歲男輓

大壽享期頤。添得四齡足全數。遺型留矩矱。流傳千古仰前徽。

●九十六歲女輓

得范滂令子克家。啓後多方耳熟。賢名久傳播。與李密祖母同歲。陳情有表。心驚仙馭遽遐昇。

●九十七歲男輓

寢夢錫年齡。百歲減三。話周文王故事。考終備福壽。九疇陳五。作殷箕子完人。

●九十七歲女輓

祝期頤三載猶虛。若將閏月平均。人瑞已應稱百歲。備福壽九疇同演。遽爾慈雲縹緲。美談真足播千秋。

●九十八歲男輓

祝百齡即晉二年。純嘏無疆臻大壽。陳九疇備膺五福。考終有命作完人。

●九十八歲女輓

人瑞說當今。若將閏月平均。允矣期頤已超過。遐齡百歲。仙遊渺何處。遽爾慈雲縹緲。卓哉鍾郝應流傳。懿範千秋。

●九十九歲男輓

人瑞古相稱。轉瞬百齡先慶。祔天年公獨享。遺型千古永流傳。

●九十九歲女輓

盛宴熟蟠桃。先一年預祝百齡。洵是美談傳巾幗。

仙縱迴鶴馭。陳九疇備膺五福。允無遺憾到泉臺。

●百歲男輓

歷數古今人。百歲期頤能有幾。細詳前後事。一生福祿竟無虧。

考終端由好德。已經五旬。又經五旬。祝壽無過期頤。說到百歲。竟到百歲。

楊朱遺言。百歲壽大齊。如願以償。稱人瑞。

箕子陳範。九疇福全備。考終有命。畢天年。

●百歲女輓

上壽說期頤。綽楔褒榮稱人瑞。美談傳巾幗。瑤池返駕樂仙遊。

上壽百齡餘。綽楔褒榮。人間稱瑞。遺型千古遠。道山設座。地下修文。

●百餘歲男輓

上壽逾百齡。人瑞流傳。東海籌添。鶴算。

母儀垂千古。仙班應召。西池駕返。鸞駟。

按月應用

●正月男輓

好友久相睽。詠雲樹句。此別千古。

傷心何可已。借屠蘇酒。為酌一杯。聚首幾何時。奈堪雲樹詩成。此別千古。

傷心難自已。且借屠蘇酒熟。聊酌一杯。

舊雨憶當年。羨君第五才名。絲絲弈葉。

新年哭老友。嗟我二三知己。落落晨星。

三朔喜新開。春意方回。小劇相期。占勿藥。

一朝成永訣。噩音遽至。高堂何竟。萎靈椿。

●正月女輓

爆竹聲殘。殷勤罷獻椒花頌。靈萱春萎。悲悼爭傳薤露歌。

●二月男輓

春相罷鄰喪。薤諫蒿歌都道苦。
杏花冷春雨。鶯嘯燕語不成聲。
噩電忽相傳。正細雨杏花如此韶。
華誰玩賞。
高風安可仰。詠暮雲春樹。那堪老
淚獨縱橫。

●二月女輓

無可奈何萱草謝。
不堪愁絕杏花殘。
萱草忘憂堂北慈雲深。芭蔭。
杏花失豔江南春雨倍淒涼。

●三月男輓

蘭諸羣遊已悲陳跡。
蓉城仙去空仰遺型。
回溯昔年曲水流觴君在坐。

最傷今日重臺進酒我何言。

冷雨迫殘春。時節偏逢百五日。
高風懷遺事。音容遽渺九重泉。

●三月女輓

仙駕返桃源。堪歎落花隨水去。
歌聲起蒿里。肯教明月送魂歸。
萱室月方長。慈範共瞻異淑德。
蘭亭春欲暮。陳迹遽成俯仰閒。

●四月男輓

風動靈幃。滿架薔薇相映色。
星沉大陸。數聲蒿薤共含悲。
著意話流光。冷落空翻芍藥影。
驚心聞噩耗。悲悼同傳蒿薤歌。
令節屆清和。噩耗遙傳乳燕鳴鳩
都道苦。
同儕齊悼惜。盛筵空列紅蕉綠筍

敢嘗新。

●四月女輓

慈竹風摧。長有遺徽留懿範。
天桃雨潤。不堪清酌奠靈幃。

●五月男輓

蒲艾留香。天中節纔過幾日。
芝蘭託契。人世間長別千秋。
蒲艾散餘芳。屈指計天中令節。
薤蒿起哀諫。傷心哭地下陳人。
噩耗忽傳來。泛到蒲觴難尋舊雨。
知交無與比。興思蘭教長仰高雨。

●五月女輓

蒲酒綠盈奠。空向萱幃設奠。
榴花紅照眼。忽聞蒿里悲歌。
駕返瑤池。遽爾仙蹤傳馭鶴。
輝沈寶婺。不堪繁響聽鳴蜩。

●六月男輓

六月話良辰。是金粟如來降生之候。

千秋成永訣。有素車白馬相送而

來。舊事溯往年。琴彈流水高山。喜得

鍾期知己。

生芻奠今日。品列浮瓜沈李。空勞

宋玉招魂。

撒手幾何時。詩吟春樹暮雲。變作

歌聞薤露。

招魂當此日。品列浮瓜沈李。還教

酒奠椒漿。

●六月女輓

蓮蕊生香。有子心中無限苦。

萱花遽謝。出人意外不勝悲。

律中林鐘。殘暑蟬催方欲盡。

憂忘萱佩。仙駟鶴馭遽歸真。

●七月男輓

涼夕援琴。玉露金風何太逼。

隔鄰聞笛。泰山梁木不勝悲。

靈鵲苦傳聲。縱屬神仙亦為灑淚。

騎鯨向何處。凡茲故舊怎不傷懷。

駒駛感年華。流火歌詩最是關心

惟七月。

驢鳴懷往昔。臨風灑淚不堪隔面

便千秋。

●七月女輓

駒駛馳光。相將七月歌流火。

鸞駟返駕。何堪一夕失慈雲。

駕鵲方填。天上人間悲恨別。

驂鸞永逝。金風玉露助淒傷。

●八月男輓

我是向生。舊遊感聞山陽苗。

公真枚叔。歸魂飽看廣陵潮。

屈指數流光。香滿桂宮正及候。

驚心聞噩耗。歌傳蒿里不成聲。

明月不長圓。桂子香時人已逝。

高風安可仰。菊花開候我方來。

●八月女輓

蟾鏡騰光。卻話清宵當八月。

鸞駟返駕。永留懿範式千秋。

江上起哀音。波濤枉助枚生筆。

閨中苦長夜。環佩空歸倩女魂。

●九月男輓

南極一星沈。靈椿遽謝。

西風三徑冷。殘菊無存。

蒿里忽聞歌。空仰高風式千古。

菊花何太苦。不堪冷雨送重陽。
知己無二三。忝叨雅誼芝蘭如許。
深情世能有幾。時光又重九。正是滿城風雨。非關
逋負句不成吟。

●九月女輓

冷雨淒風重陽正值黃花節。
芳型令範千古長昭彤史光。
蒿薤同歌彤管流芳存懿範。
茱萸徧插素幃設奠寄哀思。

●十月男輓

寥落數晨星鶴駕雲中偏去遠。
淒涼憶舊雨蟀吟床下不堪聽。
肅氣苦相侵紅樹青山都慘澹。
傷心來作弔素車白馬劇悲哀。
年矢每相催看嶺上梅花蚤傳春

信。人琴渺何處。撫齋中塵榻空對遺
編。

●十月女輓

寶姿星沈凋殘堂背萱花母儀空
仰。瑤池駕返探問嶺頭梅蕊春信遲
來。

●十一月男輓

華表鶴歸來真不堪薤冷蒿寒影
飄丹旒。流光駒駛盡更何問芸生荔出律
中黃鐘。冬至一時生六琯灰飛煦寒吹律
傳鄒衍。故人千古別九原路隔歎逝爲文

感陸機。葭管灰飛應知黍谷先春方謂初
陽動生氣。玉樓天迴贏得錦囊佳句。那堪長
吉赴修文。

●十一月女輓

佳境盼重逢添來弱綫五紋陽氣
漸回北陸。懿徽驚頓失薦得生芻一束哀思
爭比南州。

●十二月男輓

臘鼓咽悲音君獨逍遙厭塵世。
春燈展小影我來憑吊感人琴。
滄海渺騎鯨一病竟同虞不臘。
長沙悲賦鵬千秋猶痛賈無年。
丹旒飛揚爲東司命前驅引導。

白雲縹緲向西方極樂世界逍遙。
大限竟難違。誅薤歌蒿跡杳騎鯨。
空感悼。流光都向盡。吹函擊鼓。聲傳祭蜡。
亦悲哀。

●十二月女輓

蜡祭吹函。急景正催年。曾不堪青
陽逼歲。鸞輶返駕。母儀應壽世。定長教彤
史流芳。

●閏月男輓

傷哉撒手去何之。真是黃楊逢閏
厄。黯然銷魂別而已。宛如碧草送君
歸。大衍說歸奇。藕益桐添。偏是黃楊

厄閏。老成歎凋謝。薤寒蒿冷。何堪丹旆
歌哀。

●閏月女輓

蘭薰香消。鵝分比翼。梧桐枝冷。鳳不添翎。
駒隙緩移光。大衍歸奇。偏是黃楊
厄閏。鸞輶俄返駕。母儀壽世。定教彤管
流芳。

●陽歷一月男輓

屈指數流光。支取新年補殘歲。
傷心聞噩耗。驚傳碩望失靈光。
天道本循環。準陽曜以相推。要算
已增一歲。人生如幻夢。祝遐齡之迭晉。雖多

無過百年。

●陽歷一月女輓

駒隙緩流光。方今支取新年。陽曜
相推如建丑。鸞輶驚返駕。此後空懷懿範。慈顏
永訣倍酸辛。

●陽歷十二月男輓

歲未全除。人已大暮。歷推陽曜。駕返仙遊。
零落數光陰。曾不料送歲迎春。遽
爾神歸天上。感傷懷故舊。有幾許嘉言懿行。卓
哉名重人間。

自輓應用

●男子自輓

朝聞道夕死可矣。

今而後吾知兔夫。

一死便成大自然。

他生還願減聰明。

月白風清其有意。

斗量車載已無名。

功名事業文章他生未卜。

嬉笑悲歌怒罵到此皆休。

有眼如箕看空富貴功名俱成幻。

夢。

守身似玉好還天地父母了却此。

生。

無限慚惶試回首曩日壯懷祇餘。

一慟。

有何建白惟收拾此番殘局準備。

重來。

百年一刹那把等閒富貴功名付。

之雲散。

再來成隔世是這樣夫妻兒女切。

莫雷同。

忽然有忽然無縱完成上壽百年。

莫非做夢。

何處來何處去倘果有輪迴一說。

更要傷心。

放眼千秋說甚麼天上人間到此。

無非幻境。

回頭一笑歷多少塵途魔劫而今。

還我前身。

仗祖宗在天呵護獲享大年明月。

清風是素抱。

願子孫累世純良各謀自立布衣。

蔬食豈憂貧。

讀書經世即真儒。追問他一席名。

山千秋竹簡。

學佛成仙皆幻想終輸我五湖明。

月萬樹梅花。

既死莫傷心好料理身後事宜莫。

弄得七顛八倒。

再來還是我且撇下生前眷屬重。

去尋三黨六親。

多壽亦何為溯平生於國於家此。

身未有涓埃補。

工詩本餘事况從古無名無位與。

世徒供醬瓿緣。

做不完子臣弟友工夫願來生百。

行無虧五倫克盡。

嘗偏了國難家愁滋味到今日一。

肩可卸兩手空歸。

有富有貴有壽有妻有子有孫人。

生五福齊全。可以去矣。
 不貪不噪不癡。不殺不淫不盜。佛
 法六根清淨。庶幾近之。
 非儒非佛非仙。廿四番花信關心。
 天上傳呼。我欲乘風歸去。
 是夢是真是幻。七十歲春光彈指。
 人間遊戲。誰能繫日長留。
 六十年看破紅塵。身非我之身。家
 非我之家。名利從今都擺脫。
 一刹那超昇碧落。來自無中來。去
 自無中去。夢魂何處不逍遙。
 無才無學。生亦奚為。祇憐半世苦
 吟。墨瘁祇勞。徒供他蠹魚一飽。
 有子有孫。死復何憾。爭奈高堂衰
 病。含悲茹痛。未遂我烏鳥私情。
 貧不屑與人爭利。弱不敢與人爭

權。素性極愚頑。卽茲大袖寬袍。已
 足惹旁觀嗤笑。
 生未攜一物而來。死未帶一錢而
 去。空身無罣礙。從此十洲三島。儘
 堪容我輩逍遙。

●女子自輓

平生儘為誰忙。代夫子辛勞。敢言
 人已。
 家法原非我設。把祖宗懿訓。敬告
 兒孫。
 嚴以律己。薄於責人。此意莫忘。我
 自安神泉路。
 但守清貧。勿求濁富。時艱日亟。汝
 宜努力前途。
 我別良人去矣。大丈夫何患無妻。
 倘他年重結絲蘿。莫對生妻譚死

●附墓聯

婦。
 兒從嚴父艱哉。小孩子終當有母。
 若異日得蒙鞠育。須知繼母卽親
 娘。
 一例霸才埋灰劫。
 倘有奇氣燭斗牛。
 一點靈光還造化。
 百年骸骨葬梅花。
 墓地負太湖三萬頃水。
 主人是希文廿七世孫。
 恨血千年。秋後愁聞唱詩鬼。
 空山片石。蒼然如待表阡人。
 來去自由。但深壑藏舟。鬼伯憑誰
 有力。
 升沈難定。任驚風墜瓦。天公於我

何尤。
生依桑梓歿松楸。儘容我牛眼。蕃
榻漫勞徐孺子。
木拱墓門兼草宿。但正茲狐首。碑
銘奚待蔡中郎。



第二編 哀輓類 自輓應片



最新分類 楹聯大集成

第三編 廨宇類

普通應用

●行政機關通用

與民同樂。舉國共和。歡聯五族。化及萬民。眼前皆赤子。頭上有青天。建設原非易。宣傳不畏難。做官非真樂事。為政不在多言。

為民間造幸福。求天下得和平。人原是俗非關吏。仕豈能優且讀書。同胞幸福終須顧。滿目瘡痍不忍看。當官期於物有濟。凡事求其心所安。辦事人多能事少。愛民心易治民難。政平始克無慚德。官好從來不徇情。官如就館須謀食。人不能仙為出山。

公事公言。我行我素。爾俸爾祿。民脂民膏。察吏安民。可行惟恕。興養立教。為政在人。斯道斯民。蕩平正直。我用我法。儉簡謙廉。理財正辭。公私治辦。清身潔己。內外輯和。學道愛人。春來有脚。平情應物。雲出無心。三年有成。歲不我與。一行作吏。民具爾瞻。與百姓有緣。纔得到此。期寸心無愧。不負斯民。

不嫌案牘勞形。一心為國。專為地方辦事。兩袖生風。門館無私。伴我清吟。千个竹。琴書有味。自公退食。一爐香。花竹一庭。亦是中人。十家產。軒窗四面。可無廣廈萬間心。昔有龔黃。千古名傳。循吏去。賢如廉范。一麾我步。後塵來。吏惕民懷。簾捲清風。塵不到。政平訟理。庭虛明月。鶴來翔。青天下鑒此心。敢不光明正大。赤子來游。吾腹愿言。愷悌慈祥。萬事莫苛求。祇要大家共守此法。一心惟清白。期與斯民相見。以天時局進昇平。願大法小廉。和衷共濟。

民物宏胞與。看化行俗美。幸福同承。為政不在多言。須息息從省身克己而出。居官務持大體。思事事皆民生國計所關。無日不以龔黃召杜相規。願諸君力行古道。斯民正當水火刀兵之際。賴良吏默挽天心。先知稼穡艱難。巡野明農。行見桑麻敷樂土。應念閭閻疾苦。寧人息事。盡將衽席起蒼生。為政戒貪。貪利貪。貪名亦貪。勿驚聲華忘政事。

養廉惟儉。儉已儉。儉人非儉。還從寬大保廉隅。雖賢哲難免過差。願諸君讜論忠言。常攻吾短。凡堂屬略如師弟。使僚友行修名立方盡我心。上為國。下為民。戰惕若春冰。乃合真共和憲法。仰不愧。俯不怍。清廉如秋水。斯稱第一等好官。上能合民國法。下能合社會心。救溺拯飢。此之謂萬家生佛。志不為勢利奪。身不為威武屈。大中至正。方足稱一代偉人。●軍事機關通用。着鞭懷祖述。

投筆效班超。長楊春校射。細柳夜談兵。軍威宜整肅。民氣賴宣揚。決勝得攻心策。定謀握運掌籌。領取八千子弟。胸藏十萬甲兵。高牙樓敵千門月。細柳旗開八陣天。赤羽金戈搖曉日。輕裘緩帶舞春風。金城方略留充國。銅柱勳名仰伏波。不犯秋毫岳武穆。

能寒夏膽范希文。寶纛高懸輝玉宇。長城永固奠金甌。瑞星光射龍泉劍。旭日春輝豸錦袍。以保境安民爲天職。無爭權奪利之私心。氣度春容名標大樹。聲靈赫濯令肅前茅。玉帳耀朱霞望隆鎖鑰。牙旗旋紫電任重樞機。衛國保民爲軍人天職。分甘共苦得將士歡心。疆宇澄清卻喜甲兵不用。規模整肅還教子弟無譁。無爭權奪利心名標大樹。

有破敵摧堅勢令肅前茅。幕府分旄百里藉資保障。崇墉專闢萬民永慶昇平。閩塞仗全鋒屹爾千城萬里。海天撐半壁巍然砥柱一方。說禮敦詩共仰武人兼文化。輕裘緩帶應知儒將自風流。西北固邊防保守那共和基業。東南資保障擔當此再造河山。號令肅雷霆蓋世威名推武庫。旌旄輝日月中原保障峙長城。上將選干城請纓不讓終軍志。中流作砥柱擊楫曾傳祖述名。虎帳壯軍威天肅清高風雲變色。龍韜爛武略地臨重要旗幟生光。工作在硝烟彈雨中要貴從容鎮。

靜。軍行於複水重山外。敢辭險阻艱難。翠黛秀孤松。高映冰壺。風度式詹絨座。黃金垂細柳。宏開玉帳。聲威聿壯魚鈴。壯志堪酬。尙武厲戎行。效劉主簿。聞雞起舞。雄心未已。當關資勇略。羨李將軍射虎傳名。同享承平。看來雲爛心輝。再造共和新世界。敢云威武。試出鏡歌鐺吹。式詹大地舊山河。外能攘內能安。實力保和平。如此

無慚民國將。戰必勝。攻必克。軍心宜固結。從今共仰漢家營。玉壘繞雙江。畫鷁波平。想當年王濬樓船。閣公檣戟。金壇開八陣。坐拔雲擁。看此日長松都尉。細柳將軍。●司法機關通用案頭三尺法。門外四時春。知法務須守法。惡人盡化善人。折獄在得情。勿喜。盈庭皆法語之言。民自不冤。鳳鳩在野。官閒無事。蝴蝶上階。

義路禮門。率由惟謹。青天白日。請託不行。如衡之平。如鏡之澈。乃玉其白。乃冰其清。但願百姓。多守國法。為勸大家。休上公堂。如得其情。則矜而勿喜。有條不紊。若網之在綱。君子素位而行。惟知守法。小民有恥。且格將焉用刑。人類自由。自由莫把範圍越。機關獨立。獨立方知法律尊。此是公門。裏足莫干三尺法。我無私謁。盟心祇懷一條冰。鈎距敢矜。不求當道稱能吏。仁慈自矢。願共斯民作好人。

晏嬰齊仁人。一言而溥天下利。

孔子魯司寇。無訟當為百世師。

司法具獨立精神。條律森嚴。不容

假借。

操權居最高地位。中西參酌。毋少

偏私。

毋縱我民。毋擾我民。期無負平生

所學。

不徇人情。不拂人情。但願求吾心

之安。

法度豈尙更張。酌古準今。期使閭

閭無枉曲。

風俗與化移易。布新除舊。願教中

外共遵循。

讀律卽讀書。願凡事從天理講求。

勿以聰明矜獨見。

在官如在客。念平日所私心嚮往。肯將溫飽負初衷。

各署應用

●平政院

秉鑑懸衡。做於有位。

整綱飭紀。慎爾在公。

●國史館

幸有良才存直筆。

好將信史壽名山。

●衍聖公府

安富尊榮公府第。

文章禮樂聖人家。

恩紀金魚永鎮東山棨戟。

祥徵玉燕常綿北海簪纓。

●交涉使署

洞悉機宜。中外同敦睦誼。

維持時局。商民共樂交通。專對正須才。不亢不卑。應付數言

尊國體。

睦鄰原有道。無小無大。和平兩字

固邦交。

●鹽運使署

轉餉功應比。

調羹味不同。

萬壺月明烟滿袖。

千檣風靜海無濤。

統千百家巒竈齊開。功高煮海。

撫億萬國鹵區永靖。運早承天。

●稽核所

稽核精明。借才異地。

調和經濟。佐餉同功。

●稅務處

百貨任流通。商情宜恤。一毫莫假借。國課難寬。大法小廉。恤商始能裕課。風清弊絕。克己方可正人。百貨流通。裕課恤商。期兩顧。一官除受理。財行政慶三遷。

●財政廳

開源節流。則財恆足。興利革弊。為政在人。寓撫字於催科。民乃不擾。理儲精以裕國。用之者舒。具經濟才。乃得裕充國課。通貨殖傳。定知體恤商艱。

●教育廳

作育人才。引為己任。開通風氣。化及民生。

金利就範。木直受繩。願法先賢。勤勸學。家握隋珠。人懷荆玉。應知此地。故多才。

●實業廳

發展長才。振興實業。提倡國貨。挽回利權。德成為上。藝成為下。願尚德而重藝。實勝則善。名勝則恥。宜責實以循名。

●審檢廳

審理既精。判文乃決。得情勿喜。據律無私。官要虛心。總能發伏。摘奸須識。我得情勿喜。

民宜守分。若到違條。犯法可憐。汝無路求生。

●烟酒公賣局

物產本無私。最難忘契託。芝蘭香流麴蘖。公家取有限。曾不礙靈通。呼吸與寄醇醪。菸能解鬱。酒可消愁。增長精神。未必衛生有害。官督為公。商銷為賣。藉籌經濟。亦堪小補於時。

●稅捐局

涓滴入公家。恤商斯能裕課。錙銖無私款。克己方可正人。握算愧非長。惟自勵一腔冰雪。牽車來不易。要多留幾點脂膏。

●槍礮局

青霜武庫。

紫洞雲臺。

●電報局

萬里遠牽鄉國夢。

一絲長繫故人懷。

往還無間一須臾。玉女傳箋天欲

笑。

消息能通九萬里。長房置驛地添

愁。

●郵政局

速於置郵道在邇。

是亦為政書同文。

風教之行置郵傳命。

簡書毋畏為政在人。

●礦務局

要累黃金高北斗。

故鞭赭石涸南山。

●路工局

路有口碑稱坦蕩。

工咸腹鼓竭勤劬。

路政興修從此出門同軌轍。

工程浩大更教隔水跨橋梁。

●銅元局

泉府相通輕重相劑。

陰陽為炭天地為爐。

●消防局

事有備以無患。

門雖設而常關。

保衛閭閻一邑千城資警備。

防維賊盜萬家安枕慶昇平。

消息審幾先一邑閭閻資做備。

防維到意外萬家烟火慶平安。

●官輪局

中流擊楫。

大雅扶輪。

●救生局

載舟能覆舟須於遇順風時扯定

篷脚。

人溺猶己溺漫云立高岸上漠不

關心。

博愛之謂仁當知拯難扶傾愷惻

常同施補救。

見險而能止但願風帆浪舶倉皇

轉得報平安。

●兵工廠

兵不在多攻心為上。

工欲善事利器必先。

◎總統府

鸞奏八音諧律呂

鳳銜五色顯絲綸

水木清華開福地

星雲糾縵麗中天

瑞颺珠躔瓊宮輝紫氣

祥凝玉陛璇極拱丹樞

雉尾烟明三霄揚麗旭

螭頭香動萬字篆祥雲

松棟煥雲霞瑞圖麗景

蓬壺開日月仙境長年

◎國務院

國政修明咸資保障

官方澄敍自有紀綱

政體當共和年總攬樞機所貴顧

名思義

國權成均勢局躬調鼎鼐相期馭

外宅中

溺猶己溺飢猶己飢願各部袞袞

諸公同擔大任

視曰民視聽曰民聽念羣庶喁喁

望治誰秉國鈞

◎參謀部

銘勒鼎鐘折衝樽俎

運籌帷幄決勝疆場

贊理樞機房謀杜斷

運籌帷幄蕭規曹隨

西府森嚴統韜鈴而禦侮

北樞密勿參帷幕以咨籌

參贊仗奇才帳上讀兵規畫全憑

韜略廣

謀猷重軍政席前借箸指揮盡在

笑談中

◎外交部

為國要爭權毋背民意

交鄰原有道不貪天功

孟子言交鄰國有道敦槃洽誼

周禮設大行人之官樽俎折衝

交鄰國有道乎言忠信行篤敬

夫行人之職也以玉帛化干戈

時局進承平航海梯山琛賚爭輸

上國

邦交貴嚴重金泥玉檢規條確守

聯盟

◎內務部

內政修明民資保障

官方澄敍國有紀綱

內政必有內心紀綱是飭

務名不如務實。保障攸資。飭紀整綱。安內卽所以攘外。除貪儆暴。治國先在乎保民。國家自有紀綱。先從澄敝。官方起。民族盡資保障。當在修明內政來。

●陸軍部

中軍紀律嚴霜雪。上將旌旗動日星。名冠三軍威加八表。折衝千里董正六師。坐虎帳以談兵。學通三略。聞鷄聲而起舞。心雄萬夫。有韓范在軍中。庶驚心膽。非湯武之天下。焉用征誅。司馬列周官。均守簡稽。出治兵戎。入振旅。

蜚熊徵國瑞。整軍經武。內安畿甸。外籌邊。統全華兵權。如火如荼。令肅三軍。持虎節。鞏東亞國勢。使臂使指。威行萬里。壯龍韜。

●海軍部

投筆以從。乘長風破萬里浪。鼓輪而出。觀海日照三神山。威武振瀛洲。橫海樓船。都歸操縱。聲名滿寰宇。重洋破浪。永慶澄清。

●財政部

開源節流。財用不匱。富民裕國。平準成書。制國用必通三十年。用乃不匱。期藏富先在億萬姓。富可得民。

制國用必通三十年。方能有濟。借外債常逾千萬磅。何術籌還。開源節流。惟憑預算有方。補短截長。謀足用。量入爲出。猶願利生無匱。民殷國富。慶豐贏。

●司法部

虞書陳五德。蕭律布三章。使民納於軌物。及時明其政刑。選賢與能。道之以政。明刑弼教。職思其居。操持全國最上法權。嚴霜烈日。斟酌中西。能行律意。鏡澈衡平。操全國最高法權。邁種之才。惟明。

克允。參中外普通律意。持身有度。無頗不平。

●教育部

聚天下英才。宏茲教育。使世間風俗。從此改良。衛道尊經。欲挽世風。先存國粹。興養立教。既開民智。兼正人心。掌神州教育全權。德智體未容偏重。具世界開明偉識。中西東有待貫通。樂淑禮陶。願此士農工商兵。咸具深長學識。循誘強迫。期茲漢滿蒙回藏。皆成優美人材。

●農商部

惠商澤農。萬里恩波水國。奉公潔己。一簾清氣冰壺。農勤樹藝。商利流通。肥瘠自應關國脈。官重考成。法嚴保障。振興賴此濟民生。

●交通部

郵電分司。樞機佐理。航空駕駛。水陸交通。四政握綱維。郵電路航資整飭。萬方大和會。官民商旅慶交通。海陸工商萬脈貫輸。神既周於亥步。路航郵電。四科綜策。道更暢乎庚由。

●巡閱使署

旗鼓揚威。數省巡行尊虎節。干城著望。三軍號令肅龍韜。號令挾風雷。洵不愧三軍司令。旌旗耀天日。誠足稱一代偉人。

●督軍署

令肅前茅尊紀律。名標大樹見威稜。武略壯山河。足為軍人表率。勳名高泰斗。共瞻督師威嚴。

●省長署

民政攸司。聯省自治。官方澄敍。同寅協恭。願百寮勉作賢良。步武蘭台循吏傳。與萬姓共圖樂利。平章管子牧民。

篇。

●護軍使署

都護威名超漢代。

簡軍職守法周官。

威震邊防堪作一隅保障。

雄分區域獨教半壁支撐。

牙纛雲扶都護威名超漢代。

節樓風峻簡軍職守重周官。

●鎮守使署

鎮壓威行安同磐石。

守攻計定望重干城。

旌節鎮雄藩安同磐石。

風霜推獨坐望重干城。

固磐石以苞桑金城湯池屹然雄

鎮。

建旌麾於細柳龍符虎節靖此大

邦。

●警務處

衛國安民文經武緯。

詰奸禁虺秋肅春溫。

警權為全部總持執法不容犯法。

務本在實事求是衛民未可擾民。

警報無聞應知出入相扶守望相

助。

務求實際乃能夜不閉戶道不拾

遺。

●警察廳

警於有衆。

察其所安。

警暴安良勤職務。

察奸懲惡保民生。

禁暴無形安禹甸。

司稽有職法周官。

警爾頑民有恥且格。

察於上下防患未然。

警告爾衆民思患預防可冀烽烟

永息。

察看我巡士賞勤罰惰免教宵小

橫行。

●水警廳

砥柱奠中流萬古風濤橫地軸。

樓船屯勁旅五更鼓角壯軍聲。

●省防軍署

旌節鎮巖疆允矣北門鎖鑰。

英雄造時勢巍然東陸干城。

開府肅威儀虎賁龍驤歸掌握。

元戎隆位望山陬海澨頌昇平。

●警備司令

金城湯池。屹然雄鎮。
龍符虎節。靖此大邦。
牙纛鎮全軍。屹爾干城萬里穩。
節旄撐半壁。巍然砥柱四方安。

●陸軍講武堂

長天倚劍霜華落。

斜日揮戈暑影延。

誰謂佳兵不祥。以固百年。毋荒一

日。

須知有備無患。敢言匹夫。可奪三

軍。

●道尹公署

觀風期化俗。

察吏即安民。

察吏安民。做官非真樂事。

承上起下。為政不在多言。

檠戟遙臨。申畫郊圻資保障。
節麾高建。寅恭僚庶仰丰儀。
鎮日得長閒。最有味。時如水澹。
此官無別趣。却宜多處比詩清。

●省政府

奮武揆文。分陝特隆周召望。

安民察吏。濟時端賴斗山才。

●縣政府

一條冰勵己。

百里地封侯。

明月雙溪水。

春風滿縣花。

百里春風回草野。

一輪明月照琴堂。

政由德布宜崇德。

官與民親貴愛民。

漫將詩酒酬功業。
喜有鶯花是部民。
室有澹臺與商公事。
人非安石莫尚清談。
好民所好。惡民所惡。
寧人負我。毋我負人。
為親民官。何以克勤厥職。
行快心事。但求無愧於天。
官本親民。願以共和宣父老。
位膺司牧。期將幸福溥閭閻。
作吏貴通經。以經術飾吏治。
養民先教稼。知稼穡為民依。
四野桑麻不羨河陽花。作縣。
一腔冰雪偏令寒谷黍。知春。
心照冰壺。晝日一簾琴影靜。
恩隆芾野。春風百里頌聲多。

吏惕民懷。簾捲清風塵不到。
政興弊絕。庭虛明月鶴來翔。
案牘幸公餘。隨意談詩談風月。
琴樽聯雅集。渾忘是客是他鄉。
每誦棠芾一詩。惠愛有懷周召伯。
願種桃花千樹。風雅不讓潘安仁。
視曰民視聽。日民聽。頭上青天可
畏。飢猶已飢。溺猶已溺。眼前赤子如
傷。後知者當問先知。風俗改良資熟
手。公事畢乃治私事。閭閻疾苦總關
心。催科未免追求。但願百姓早完國
課。

省事無如忍耐。爲勸大家莫到公
堂。政法普更新。夙夜宣勞。敢詡鳴琴
能布化。閭閻同望治。保釐負責。願教製錦
得成功。縣譜作州書。好評量。匝野耕桑滿
城烟樹。公餘庀家事。尙檢點。過庭詩禮。酬
世文章。聽東去江聲。無限蒼涼。似替民間
訴許多疾苦。看西來山色。恁般清淨。生怕胸中
着半點塵埃。眼前百姓卽兒孫。莫言百姓可欺。
當留下兒孫地步。

堂上一官稱父母。漫說一官易做。
還盡些父母恩情。公生明虛亦生明。此中衡平鑒空。
屈己以求終了了。情可恕法不可恕。古人畫地刻木。
設身而處。早怛怛。我亦是公民。旣長此邦。自當清白
乃心。與諸君籌謀進步。鄉豈無敝政。已來茲土。允宜勉勤
厥職。爲同胞研究改良。官縱清閒。任一日則盡一日心。况
兼地廣事繁。敢不夙興夜寐。民思康樂。寬幾分。乃受幾分惠。卽
使時豐歲稔。常如怨暑咨寒。

●公安局
除莠安良勤職務。

詰奸禁暴保民商。

司稽有職法周官。禁讒詰奸秋肅。

春溫皆德化。

禁暴無形安禹甸。移風易俗文經。

武緯妙權衡。

士恆士農恆農工恆工商恆商里。

少遊民便有富強氣象。

路可行橋可涉舟可濟車可乘邑。

無廢政方見自治精神。

其他應用

◎自治公所

子輿氏論自強待文王而興是凡

民也。

顧亭林言治法雖匹夫之賤與有

責焉。

中古啓良規。試推廣族黨範圍共

盡地方公益。

東鄰資考鏡。適轉合町村制度。宏

開憲政前途。

◎積穀倉

其穀宜稻。既堅既好。

自天降康。乃積乃倉。

◎籌賑局

天下自任。故飢猶己飢。溺猶己溺。

民吾同胞。願解衣衣之。推食食之。

◎施粥廠

同是肚皮。飽者不知飢者苦。

一般面目。得時休笑失時人。

◎育嬰堂

大生廣生。羣生有育。

乾道坤道。斯道並行。

彼離父母欲求生。飢寒可憫。

我有兒孫皆怕死。慈愛宜推。

保亦有同情。一笑一啼。須當作自

家骨肉。

後倉無私覆。並生並育。這纔是我

輩心腸。

羊腓巷裏。虎乳夢中。未有自來。或

者天之所欲。

獸長麋麋。鳥翼鷄卵。物猶如此。可

以人而不如。

有父母忽離父母。能盡些父母恩

情。這便是再生父母。

非兒孫何異兒孫。總把作兒孫看

待。方保得自己兒孫。

◎貧兒院

用力用心。好從貧裏磨鍊。

惜分惜寸。莫負兒時光陰。